



十三經注疏

左傳十

0512  
476  
80

十





行  
疏  
卷

附釋音春秋左傳注疏卷第二十六 成三年 盡十年

杜氏注

孔穎達疏

經三年春王正月公會晉侯宋公衛侯曹伯

伐鄭 宋衛未葬而稱爵以接鄰國非禮也 **疏** 注宋衛至禮也。正義曰僖九年傳曰宋桓公卒未葬而

襄公會諸侯故曰子凡在喪公侯曰子傳因未葬而發在喪之例是先君未葬嗣君不得稱爵以會諸侯也知非踰年得

成君者文八年八月天王崩九年春毛伯來求金傳曰不書王命未葬也彼王既踰年矣猶不得稱王命臣知諸侯雖則

踰年但是未葬不得稱爵以接鄰國正以王不命臣明知其非禮也 ○辛亥葬衛穆公

傳 ○二月公至自伐鄭 ○甲子新宮災三日

哭 無傳三年喪畢宣公神主新入廟故謂之新宮書三日哭善得禮宗廟親之神靈所馮居而遇災故哀而哭之

○馮皮 **疏** 注三年至哭之。正義曰公羊傳曰新宮者何

水反 宣公之宮也宣宮則曷為謂之新宮不忍言也

改  
凡  
80

學



其言三日哭何廟災三日哭禮也穀梁傳曰新宮者禰宮也三日哭哀也其哀禮也迫近不敢稱謚恭也二傳皆以新宮為宣宮三日哭為得禮故杜依用之宣公以其十八年冬十月薨至二年十月而大祥祥而禘祭神主新始入廟故謂之新宮禮禮弓記曰有焚其先人之室則三日哭故曰新宮火亦三日哭鄭玄云謂人燒其宗廟新宮火也記稱新宮火者指此新宮災耳傳例曰天火曰災人火曰火三家經傳有五字皆為災鄭玄以為人火雖非其義要天火人火其哭皆當三日是其善得禮也哀三年桓宮僖宮災不言哭而此言三日哭者釋例曰新宮者宣公之廟父廟也諒闕始闕而遇天災故感而哭之

夏公如晉○鄭公子去疾帥師伐許○公至自晉無傳○秋叔孫僑如帥師圍棘棘汝陽田之邑在濟北蛇丘縣○蛇以支反一音如字○大雩無傳以過時書○晉郤克衛孫良夫伐虜咎如赤狄別種○虜在良反○冬十有一

月晉侯使荀庚來聘○衛侯使孫良夫來聘

○丙午及荀庚盟疏及荀庚盟○正義曰隱元年

之也此言及荀庚盟及孫良夫盟十一年及郤欒盟皆是公自及之非臣及之也知者僖二十八年傳晉欒枝入盟鄭伯襄十一年傳晉趙武入盟鄭伯鄭子展出盟晉侯臣對君者皆君自與盟知此使來亦公自與盟也上言來聘盟又不地盟於國都公親可知故不言公

○丁未及孫良夫盟先晉後衛尊霸主鄭鄭伐許無傳不書將帥告辭略○疏傳不書至辭略○正義曰直舉國名傳無其說

傳二年春諸侯伐鄭次于伯牛討邲之役也伯牛鄭地邲役遂東侵鄭晉潛軍鄭公子偃帥師

在宣十二年



禦之

偃穆公子

使東鄙覆諸鄭

覆伏兵也。覆扶又反。注同鄭亡表反又莫于

反徐武且

敗諸上與

鄭上與皆鄭地晉偏軍為鄭所敗故不書

皇成如楚

獻捷○夏公如晉拜汶陽之田

前年晉使齊歸魯汶陽田故

許恃楚而不事鄭鄭子良伐許○晉人歸楚

公子穀臣與連尹襄老之尸于楚以求知罃

鄭之戰楚獲知罃

於是荀首佐中軍矣

荀首知罃父

故楚人許

之王送知罃曰子其怨我乎對曰二國治戎

臣不才不勝其任以為俘馘執事不以釁鼓

以血塗鼓為釁鼓。勝音升下注。義曰說文釁血祭也。禮雜記釁廟之禮云雍人舉羊升屋自中屋南面判羊血流于前乃降釁廟以血塗廟知釁鼓以血塗鼓也。

使

歸即戮君之惠也臣實不才又誰敢怨王曰

然則德我乎

疏

然則德我乎。正義曰德加於彼彼狄人皆是也。

對曰二國圖其社稷而求紓其民

紓緩也。紓音舒。

各懲其忿以相宥也

宥赦也。懲直。兩升反宥音又。

釋纍囚以成其好

纍繫也。纍力誰反好呼報反下同。

一國有好

臣不與及其誰敢德

言二國本不為己。與音預為于偽反。

王曰子

歸何以報我對曰臣不任受怨君亦不任受

德無怨無德不知所報王曰雖然必告不穀

對曰以君之靈纍臣得歸骨於晉寡君之以

為戮死且不朽

戮其不勝任。音王下亦不任同。

疏

死且不朽。正義曰懷荷君恩。



身雖死而朽腐此思不朽腐也死尚不朽以示其至死不忘也若從君之惠而免之

以賜君之外臣首稱於異國君曰外臣首其請於寡君而

以戮於宗亦死且不朽若不獲命君不許戮而使

嗣宗職嗣其祖宗之位職次及於事而帥偏師以脩封

疆雖遇執事遇楚將帥○疆居良反其弗敢違違辟

也其竭力致死無有二心以盡臣禮所以報

也王曰晉未可與爭重為之禮而歸之○秋

叔孫僑如圍棘取汶陽之田棘不服故圍之

僑如叔孫得臣子○晉郤克衛孫良夫伐虜咎如討赤

狄之餘焉宣十五年晉滅赤狄潞氏其餘民散入虜咎如故討之疏注宣十五

義曰謂赤狄餘民散入咎如之內今伐咎如者來就咎如之

內討彼赤狄餘黨然虜咎如容赤狄餘民則咎如亦赤狄矣

劉炫以為虜咎如之國即是赤狄之餘今知不然者以赤狄

之國種類極多潞氏甲氏鐸辰皐落氏等皆是其類並為建

國假令潞氏甲氏鐸辰皐落雖滅自外猶存則是不滅者多

止應言討赤狄之類不得稱餘且伐者聲其鐘鼓討者責其

罪狀以虜咎如容受赤狄餘黨故伐而討責若以虜咎如即

是赤狄之餘應取土地與兵絕滅何當難伐討而已劉以虜

咎如即是赤狄之餘而規杜非也疏注此傳至四字○正義曰傳言上失民

潰蓋經闕此四字釋例曰傳文虜咎如潰上失民也今經但

言伐虜咎如無虜咎如潰之文若經本無此文則丘明為橫

益經文而加失民之傳也是言知經闕之意也三年潰○冬

十一月晉侯使荀庚來聘且尋盟尋元年赤棘盟荀庚林父

子衛侯使孫良夫來聘且尋盟尋宣七年公問諸



臧宣叔曰中行伯之於晉也其位在三下卿疏

其位在三。正義曰於時卻克將中軍荀首佐之荀庚將上軍是其位在三也注云下卿者傳稱小國之上卿當大國之下卿又言衛在晉不得為次國則以衛為小國荀庚若是中卿自然當先晉矣乃云晉為盟主其將先之直以盟主先晉明是二人位等以此知荀庚是下卿也晉立三軍將佐有六第三猶為下卿則其餘皆下卿也蓋以諸侯之禮唯合三卿三是其正故定以三人為上中下餘皆從下卿也卿有上下往年賜晉三帥皆以三命之服者侯伯之卿禮皆三命上卿下卿命不異也孫子之於衛也位為上卿將誰先對曰

次國之上卿當大國之中中當其下下當其上大夫降一等小國之上卿當大國之下卿中當其上大夫降大國二等下當其下大夫降大國二等上下如是古之制也古制公為大國侯伯為次國子男為小國衛在晉不得為

次國

春秋時以強弱為大小故衛雖侯爵猶為小國疏注春秋至小國。正義曰古制公為大國侯伯

為次國子男為小國以土地之大小命數為等差也春秋之世疆陵弱大吞小爵雖不能自改地則以力升降諸侯聚會疆者為雄史書時事大小為序此事不可改易仲尼即用之宋公在齊侯之下許男在曹伯之上不復計爵之尊卑故衛雖侯爵猶為小國以地狹小故也襄二十五年傳子產語昭曰今大國多數圻矣圻方千里是晉有方千里晉三四也當五六分之一耳故不得為次國其為次國者當齊秦乎

晉為盟主其將先之計等則二人位敵丙午盟晉

丁未盟衛禮也。十二月甲戌晉作六軍為六

軍僭王也萬二千五百人為軍。僭子念反韓厥趙括鞏朔韓宣荀騅

趙旃皆為卿賞鞏之功也韓厥為新中軍趙括佐之鞏朔為新上軍韓宣

佐之荀騅為新下軍趙旃佐之晉舊自有三軍今增此故為六軍。騅音佳疏注韓厥至六軍



韓厥為新中軍及上下新軍將佐者以下六年傳云韓厥將  
新中軍且為僕大夫時晉更增置新中上下三軍韓厥將新  
中軍名居其首故  
○齊侯朝于晉將授玉禮疏  
杜依名配其將佐  
○齊侯朝于晉將授玉禮疏  
於兩楹之間於此時卻克趨進故記之也史記齊世家曰頃  
公十一年晉初置六軍頃公朝晉欲尊王晉景公景公不  
當晉世家云景公十二年齊頃公如晉欲上尊景公為王景  
公讓不敢然此時天子雖微諸侯並盛晉文不敢請隨楚莊  
不敢問鼎又齊弱於晉所較不多豈為一戰而勝便即以王  
相許準時度勢理必不然竊原馬遷之意所以有此說  
者當讀此傳將授玉以為將授王遂節成為此謬辭耳  
郤  
克趨進曰此行也君為婦人之笑辱也寡君  
未之敢任言齊侯之來以謝婦人之笑非為倚好故云  
晉君不任當此惠○君為于偽反下為兩君  
同任  
音王  
晉侯享齊侯齊侯視韓厥韓厥曰君知  
厥也乎齊侯曰服改矣戎朝異服也言疏注戎朝  
服改明識其人

正義曰周禮司服凡兵事韋弁服禮玉藻記云諸侯皮弁以  
聽朔朝服以日視朝聘禮賓皮弁聘公皮弁迎賓迎聘客何  
以皮弁迎朝賓必皮弁矣在朝君臣同服公當皮弁則韓厥  
於時亦皮弁也鄭玄云韋弁以韎韋為弁又以為衣裳春秋  
傳曰晉卻至衣韎韋之跗注是也皮弁之服韓厥登舉  
十五升白布衣素積以為裳是戎朝異服也  
爵曰臣之不敢愛死為兩君之在此堂也○苟  
營之在楚也鄭賈人有將寘諸褚中以出既  
謀之未行而楚人歸之賈人如晉荀營善視  
之如實出已賈人曰吾無其功敢有其實乎  
吾小人不可以厚誣君子遂適齊傳言知營之  
賢○賈音古  
下同實之政  
反褚中呂反  
經四年春宋公使華元來聘○三月壬申鄭



伯堅卒

無傳二年大夫盟于蜀

○杞伯來朝○夏四月

月甲寅臧孫許卒

無傳

○公如晉○葬鄭襄公

無傳

○秋公至自晉○冬城鄆

無傳公欲叛晉故城而為備○鄆音運

**疏**

冬城鄆○正義曰釋例土地名魯有二鄆文十二年城諸及鄆杜云此東鄆莒魯所爭者城陽姑幕縣南有負亭或曰鄆即負也成十六年傳晉人執季文子公待于鄆杜云此西鄆昭公所出居者東鄆廩丘縣東有鄆城然則此為公欲叛晉故城鄆以為○鄭伯伐許

傳四年春宋華元來聘通嗣君也

宋共公即位

**疏**

通嗣君也○正義曰文元年公孫敖如齊傳曰始聘焉禮也凡君即位卿出並聘踐脩舊好要結外援好事鄰國以衛社稷忠信卑讓之道也其事與此也謂君初即位聘鄰國耳在魯而出謂之始聘自外而來謂之通嗣君言彼君嗣位以來未與魯通於此始通之也

○杞伯來朝歸叔姬故也

將出叔姬先脩禮朝魯言其故

○夏公如晉晉侯見公不敬季文

子曰晉侯必不免

言將不能壽終也

詩曰敬之

敬之天惟顯思命不易哉

詩頌言天道顯明受其命甚難不可不敬以奉

之○易

夫晉侯之命在諸侯矣可不敬乎

○秋公至自晉欲求成于楚而叛晉季文子

曰不可晉雖無道未可叛也國大臣睦而邇

於我

邇近也

諸侯聽焉未可以貳

聽服也史佚之

志有之

周文王大史○大音泰

曰非我族類其心必異楚

雖大非吾族也

與魯異姓

其肯字我乎公乃止

字愛也

○冬十一月鄭公孫申帥師疆許田

前年鄭伐許侵其田



今正其界。許人敗諸展陂。鄭伯伐許，取鉏任。

冷敦之田。展陂亦許地。破彼皮反。鉏，音樂書。

將中軍。代郤克。荀首佐之士燮佐上軍以救。

許伐鄭，取汜祭。汜祭鄭地，成臯縣東有汜水。○疏注。

祭至汜水。正義曰：杜注：滎陽中牟縣有東汜，襄城縣有西汜。知此汜祭非彼二汜，而以成臯縣東有汜水者，以傳為晉。

伐鄭取汜祭，既為晉人所取，當是鄭之西北界。即今之汜水也。字書水旁已為汜，水旁已為汜，字相亂也。漢書音義亦為汜。今汜水上。

源謂汜谷。楚子反救鄭，鄭伯與許男訟焉。於

反前爭。皇戌攝鄭伯之辭。代之。子反不能決也。

曰：君若辱在寡君，寡君與其二三臣共聽兩

君之所欲，成其可知也。欲使自屈在楚子前決之。不然，側不

足以知二國之成。側子反，名為明年許愬。鄭於楚張本。○愬音素。○晉趙嬰

通于趙莊姬。趙嬰，趙盾弟莊姬。趙朔妻朔盾之子。

經五年春，王正月，杞叔姬來歸。出也。傳。疏。

歸。正義曰：杞既出之，猶稱杞者，雜記曰：諸侯出夫人，夫人比至于國，以夫人之禮行，至以夫人入。鄭玄云：行道以夫人之禮者，棄妻致命其家。○仲孫蔑如宋。○夏，叔孫僑

如會晉荀首于穀。穀，齊地。○梁山崩。

記異也。梁山在馮翊夏陽縣北。

疏。注記異也。○正義曰：公羊傳曰：梁山崩，何以書記異也？公羊以為非常為異，害物為災，此山崩無所害，故為異也。

也。○秋，大水。○冬，十有一月己酉，大王崩。○

十有二月己丑，公會晉侯、齊侯、宋公、衛侯、鄭

伯、曹伯、邾子、杞伯，同盟于蟲牢。蟲牢，鄭地，陳留封丘縣北有桐牢。



傳五年春原屏放諸齊嬰之兄。屏步丁反。嬰曰

我在故欒氏不作我亡吾一昆其愛哉且人

各有能有不能言已雖淫而能令莊姬。護趙氏。令力丁反。舍我何害

弗聽嬰夢天使謂已祭余余福女使問諸士

貞伯貞伯曰不識也既而告其人自告貞伯從人。舍音捨又音

救聽吐丁反女。音汝從才用反。使人故云自告貞伯從人也。若告趙嬰。使人不得云神。福仁而禍淫。曰神福仁而禍淫淫而無罰福也

祭其得亡乎以得放。遣為福。祭之之明日而亡為八年。晉殺趙

同趙。括傳。○孟獻子如宋報華元也前年宋華元來聘。○夏晉

荀首如齊逆女故宣伯餽諸穀野饋曰餽。運糧饋之。敬大國也。餽

音鄆饋。其媿反。疏。注野饋至大國。正義曰釋詁云饋饋也孫炎

言野饋饋在野行路之人俱是在野。言之謂之餽者。言其運糧饋之彼自逆女而往饋之者敬大國也。○梁

山崩晉侯以傳召伯宗傳驛。傳中戀反。伯宗辟

重曰辟傳重載之車。甫赤反。本以作僻。曰僻音避。重人曰待

我不如捷之速也捷邪出。捷在。疏。注捷邪出。邪行小道為捷徑是捷為邪出。問其所曰絳人也

問絳事焉曰梁山崩將召伯宗謀之問將若

之何曰山有朽壤而崩可若何國主山川謂主

所主祭。絳古。巷反。壤如。反。故山崩川竭君為之不舉夫盛饌。為于

偽反。去起。呂。反。饌。仕。戀。反。降服損盛。車無文。緹武。疏。注車

反。饌。仕。戀。反。乘纒且反。又莫半反。疏無文。



正義曰周禮巾車掌王之五路皆不言車有文飾其下服車

五乘孤乘夏篆卿乘夏縵大夫乘墨車鄭玄云夏篆五采畫

轂約也夏縵亦五采畫無珠耳墨車不畫也孤之車尚有珠

約明諸侯之車必有珠約詩所謂約軼錯衡是其事也乘縵

車無文蓋乘大夫墨車也觀禮侯氏乘墨車乃朝鄭玄云墨

車大夫制也乘之者天子之國車服不可盡同也彼為適

王尚乘墨車明此山徹樂息八出次舍於疏注舍於

崩降服亦乘墨車也義曰僖三十三年傳秦伯以師敗于殺素服郊次此言出次

降服明亦次於郊也文四年傳楚人滅江秦伯為之降服出

次注云辟正寢與祝幣陳玉史辭自罪以禮焉禮山

此文互相見也

其如此而已雖伯宗若之何伯宗請見之見

於晉君見賢不可不肯遂以告而從之從重

遍反注皆同見

許靈公愬鄭伯于楚前此年鄭六月鄭悼公如

楚訟不勝楚人執皇戌及子國以鄭伯不直故也

故鄭伯歸使公子偃請成于晉秋八月鄭伯

及晉趙同盟于垂棘垂棘晉地○宋公子圍龜為

質于楚而歸質龜文公子○華元享之請鼓譟

以出鼓譟以復入出入輒擊鼓○譟素

氏宋公殺之蓋宣十五年宋楚平後華元使圍

同盟于蟲牢鄭服也諸侯謀復會宋公使向

為人辭以子靈之難子靈圍龜也宋公不欲會以新

向舒亮反難乃且反一本無之難誅子靈為辭為明年侵宋傳○

崩經在蟲牢盟上傳在下月倒錯眾家

傳悉無此八字或衍文○倒丁老反疏注經在至衍

傳不虛舉經文此無所明又上下倒錯諸家之傳又悉

無此言必是衍文此杜以疑事毋質不敢輒去之耳



經六年春王正月公至自會無傳○一月辛巳

立武宮魯人自臺之功至今無患故築武軍又疏注魯人自臺之功至今無患追思鞏戰以為已功故築武軍又作

後世。正義曰社以傳稱季文子以鞏之功立武宮故云魯人自臺之功至今無患追思鞏戰以為已功故築武軍又作先君武公之廟以告戰勝之事欲以章示後世明已之功也其意言築為武軍又作武公之廟公羊傳曰武宮者何武公之宮也是立宮為武公廟也武公是成公九世之祖其廟毀已久矣今復立之以為不毀之廟禮明堂位曰魯公之廟文世室也武公之廟武世室也世室言其世世不毀劉炫以為直立武公之宮不築武軍今知不然者以下傳云聽於人以救其難不可以立武立武由已非由人也是丘明譏魯立武以章武功明非徒築宮而已又宣十二年潘黨請築武軍楚子云武有七德我無一焉武非吾功遂不敢築武軍以明武功此則丘明譏魯章武功明亦築武軍也若其唯築武宮傳應云不可以立武宮不得單稱武也○取鄆附庸國也。鄆徐音專又

朝無傳○公孫嬰齊如晉嬰齊叔○壬申鄭伯

費卒前年同盟蟲○秋仲孫蔑叔孫僑如帥師

侵宋○楚公子嬰齊帥師伐鄭○冬季孫行

父如晉○晉欒書帥師救鄭

傳六年春鄭伯如晉拜成謝前年子游相子游

偃。相息亮授玉于東楹之東禮授玉兩楹之間疏鄭伯行疾故東過

反下甯相同注禮授至東過。正義曰聘禮云公受玉于中堂與東楹之間鄭玄云中堂南北之中也入堂之深尊賓事也東楹之間亦以君行一臣行二也聘禮大夫奉命來聘君臣不敵故授玉于東楹之間國君來朝尊卑禮敵傳言東楹之東以譏鄭伯行速明禮當授

玉于兩楹之間士貞伯曰鄭伯其死乎自奔也

已視流而行速不安其位宜不能久視流不端

諦。諦音



帝 ○二月季文子以鞶之功立武宮非禮也宣

二年潘黨勸楚子立武軍楚子答以武有七德非已所堪其為先君宮告成事而已今魯倚晉之功又非霸王而立武宮故譏之。疏注宣十至譏之。正義曰服虔云鞍之戰禱倚於綺反。武公以求勝故立其宮案定元年傳昭公出

故季平子禱于場公立場官此若為禱而立何以不言禱也。無驗之說故不可從。聽於人以救

其難不可以立武立武由己非由人也言請人救難勝非已功。難 ○取郭言易也易以 ○三月晉伯

宗夏陽說衛孫良夫甯相鄭人伊維之戎陸

渾蠻氏侵宋夏陽說晉大夫蠻氏戎別種也河南新城縣東南有蠻城經唯書衛孫良夫獨衛告

也。夏戶雅反說音悅下文注同渾戶門反種章勇反以其辭會也辭會在師

于鍼衛人不保不守備。鍼其廉反一音針說欲襲衛曰雖

不可入多俘而歸有罪不及死伯宗曰不可

衛唯信晉故師在其郊而不設備若襲之是

弃信也雖多衛俘而晉無信何以求諸侯乃

止師還衛人登陴聞說謀故陴毗支反晉人謀去故絳晉復

命新田為絳故謂此故絳。復扶又反諸大夫皆曰必居郇瑕氏之

地郇瑕古國名河東解縣西北有郇城。郇音旬解音蟹沃饒而近鹽鹽池是。近附近之近下及注

近寶皆同鹽音古猗於宜反疏沃饒至失也。正義曰

豐則國利財多則君樂其處不可失也。注鹽鹽至池是。正義曰說文云鹽河東鹽池袤五十一里廣七里周摠百一

十六里字從鹽省古聲然則鹽是鹽之名鹽雖是鹽唯此池之鹽獨名為鹽餘鹽不名鹽也國利君樂

不可失也韓獻子將新中軍且為僕大夫兼大







生沃土之民不材逸也瘠土之民莫不向義勞也敬姜此語自是激發之辭未必聖王盡然要亦有此理也大史公書稱武王克殷患殷民富侈大史公曰奢昏厚葬以破其產為其富而驕佚故設法以貧之也管子曰倉廩實而知禮節衣食足而知榮辱讓生於有餘爭生於不足論語稱孔子適衛欲先富而後教為其貧而無恥欲營生以富之也此皆觀民設教故其理不同若遷都近監則民皆商販則富者彌富驕侈而難治貧者益貧飢寒而犯法且貧者資富而致貧富者削之貧欲使貧富均而勞逸等也

**近寶公室乃貧不可謂樂**近寶則民不務本。正義曰農居近寶則棄本逐末廢農為商則貧富兼并若貧富兼并則貧多富少貧者無財以其官富者不可以倍稅賦稅少則公室貧也

**公說從之夏四月丁丑晉遷于新田**為季也

**晉命伐宋**晉人命

**秋孟獻子叔孫宣伯侵宋**晉人命

**○六月鄭悼公卒**終土貞伯之言

**○子叔聲伯如**

**晉命也**○楚子重伐鄭鄭從晉故也前年楚晉盟。○

**冬季文子如晉賀遷也**○晉欒書救鄭與楚師遇於繞角繞角鄭地

**楚師還晉師遂侵蔡**申息楚二縣。成音城。禦

**子申公子成以申息之師救蔡**申息楚二縣。成音城。禦

**諸桑隧**汝南朗陵縣東有桑里在上。蔡西南。禦魚呂反。音遂。

**趙同趙括欲戰請於武子**武子將許之

**知莊子**荀首中軍佐

**范文子**士燮上軍佐

**韓獻子**韓厥新中軍將

**諫曰不可吾來救鄭**楚師去我吾遂至於此此蔡地

**是遷戮也**遷戮不義怒敵

**戮而不已又怒楚師戰必不克**難當故不克

**雖克不令成師以出而敗楚之二縣何榮之**



有焉

六軍悉出故曰成師以大勝小不足為榮

若不能敗為辱已甚不

如還也

乃遂遠於是軍師之欲戰者眾或謂

欒武子曰

聖人與眾同欲是以濟事子盍從

眾

盍何不也。帥所類反下注同盍戶臘反

子為大政

中軍將酌於

民者也

酌取民心以為政

子之佐十一人

六軍之

疏

一人。正義曰服虔云是時欒武子將中軍荀首佐之荀庚將上軍士燮佐之卻鮒將下軍趙同佐之韓厥將新中軍趙括

佐之鞏朔將新上軍韓穿佐之荀驩將新下軍趙旃佐之

其不欲戰者三人而已

知范

欲戰者可謂眾矣商書曰二人占從二

人眾故也

商書

疏

注商書洪範。正義曰武王克殷始作洪範今見在周書傳謂之商人所陳故也。武子曰善鈞從眾也。夫善眾之

主也

三卿皆晉之賢人。從之不

亦可乎

傳善欒武子得從眾之義且為八年晉侵蔡傳。

經七年春王正月

麇鼠食郊牛角改卜牛麇

鼠又食其角乃免牛

無傳稱牛未卜日免放也免牛可也。不郊非禮也。麇音兮。

疏

麇鼠至免牛。正義曰釋獸麇鼠李巡曰麇鼠一名麇鼠食其角不重言牛者何休云言角牛可知後食牛者未必故鼠故重言鼠改卜被食角者言乃免牛則前食角者亦免之矣從下免省文也。注稱牛至禮也。正義曰僖三十一年傳曰牛卜日牲今稱牛是未卜日也免放也放不殺

遂不郊也

○吳伐邾

音談

○夏五月曹伯來朝

○不郊

猶三望無傳書不郊間有事三望非禮

○秋楚公子嬰齊帥師伐

鄭

○公會晉侯齊侯宋公衛侯曹伯莒子邾

子邾



子杞伯救鄭八月戊辰同盟于馬陵

馬陵衛地陽平元城

聯東南有地名馬陵

公至自會

元傳

○吳入州來

州來楚邑淮南下蔡縣是也

○冬大雩

無傳書過

○衛孫林父出奔晉

傳七年春吳伐鄭鄭成季文子曰中國不振

旅蠻夷入伐而莫之或恤

振整也旅眾也

無弔者也

夫

言中國不能相憇恤故夷狄內侵○夫音扶

詩曰不弔昊天亂靡有

定其此之謂乎

詩小雅刺在上者不能弔愍下民故號天告亂○吳戶老反號戶刀反

疏

詩曰至有定○正義曰此詩小雅節南山之篇

有上不弔其誰不受亂

上謂霸主

吾亡無日矣君子曰知懼如是斯不亡矣○

鄭子良相成公以如晉見且拜師

謝前年晉救鄭之師為楚

伐鄭張本○相息亮反見賢遍反

○夏曹宣公來朝疏

曹宣公來朝○正義

曰比文及八年傳召桓公來賜公命並无所解釋而虛載經

交者釋例曰其經傳事同而文異者或告命之辭有差異或

氏族名號當須互見此蓋須互見名號故舉之也

○秋楚子重伐鄭師于汜

汜鄭地在襄城縣南○汜音凡

諸侯救鄭鄭共仲侯羽軍楚師

二子鄭大夫共音恭

○囚鄭公鍾儀獻諸晉八月同盟于

馬陵尋蟲牢之盟且莒服故也

蟲牢盟在五年莒本屬齊齊服

故莒從之○鄭本亦作貢音云邑名

○晉人以鍾儀歸囚諸軍府

軍藏

府也為九年晉侯見鍾儀張本○藏才浪反

○楚圍宋之役

在宣十四年

師還

分申呂之田以自賞

子重請取於申呂以為賞田王許之

申公巫臣曰不可此申呂所以邑也是以為



賦以御北方若取之是無申呂也

言申呂賴此田成邑耳不

得此田則无以出兵賦而二邑壞也。所以邑也一本作所邑也御魚呂反。晉鄭必至于漢

王乃止子重是以怨巫臣子反欲取夏姬巫

臣止之遂取以行子反亦怨之及共王即位

楚共王以魯成公元年即位。共音恭。子重子反殺巫臣之族子闔

子蕩及清尹弗忌皆巫臣之族。閻音鹽。及襄老之子黑

要以夏姬故并怨黑。要一遶反。而分其室子重取子闔之

室使沈尹與王子罷分子蕩之室子反取黑

要與清尹之室巫臣自晉遺二子書子重子反。罷音皮。

下同遺。唯季反。曰爾以讒慝貪憚事君而多殺不辜余

必使爾罷於奔命以死巫臣請使於吳晉侯

許之吳子壽夢說之乃通吳于晉壽夢季札父。隱他得反。

憚力舍反請使所吏反夢。莫公反說音悅札側八反。以兩之一卒適吳舍偏兩

之一馬司馬法百人為卒二十五人為兩軍九乘為小偏。十五乘為大偏蓋留九乘車及一兩二十五人令

吳習之。卒子忽反注同舍音赦舊。音捨乘繩證反下注同舍音呈反。疏以兩至一馬。正。義曰以兩之一謂

將二十五人也又言卒謂更將百人也言之者婉句耳凡將。一百二十五人適吳也舍偏謂舍一偏之車九乘也兩之一

焉又舍二十五人也凡舍九乘車二十五人與吳矣發首言。兩之一者為舍此兩之一故先言之又言卒者見巫臣所將

非唯有一兩也司馬法車九乘為小偏十五乘為大偏傳言。偏不言大當是留九乘車矣唯言留一偏不見元將車數不

知去時幾乘車去也丘明為傳辭皆易解此獨蹇澁或誤本。文蘓氏云舍九乘車以六乘車還則以去時十五乘車傳不

言者以舍既備偏明去時有車可知從省文也沈氏云聘使。未有將兵車者今此特將兵車為方欲教吳戰陳故與常不



同與其射御教吳乘車教之戰陳教之叛楚

前是吳常屬楚。寘其子狐庸焉使為行人於吳

吳始伐楚伐巢伐徐巢徐楚屬國子重奔命因伐

馬陵之會吳入州來子重自鄭奔命鄭而

行子重子反於是乎一歲七奔命蠻夷屬於

楚者吳盡取之是以始大通吳於上國上國諸

戶孫良夫之子。衛定公惡孫林父冬孫林父出奔晉林

反惡烏路反。衛侯如晉晉反戚焉戚林父邑林父

狄反。疏屬晉襄二十六年衛孫林父入于戚以叛此不

戚自從隨而屬晉非林父入而將去故不言叛也

經八年春晉侯使韓穿來言汶陽之田歸之

于齊齊服事晉故晉來語魯使還。晉欒書帥師侵

蔡。公孫嬰齊如莒。宋公使華元來聘。夏

宋公使公孫壽來納幣昏聘不使卿今華元將命故

之故稱使也公孫。疏注昏聘至之父。正義曰傳於華元

壽蕩意諸之父。來聘之下云聘其姬也則華元新始

告魯欲圖為昏昏禮發首云昏禮下達乃言納采鄭云達

通也將欲與彼合昏姻必先使媒氏通其言女氏許之乃後

使人納其采擇之禮此華元來聘則彼昏禮所謂下達者也

士禮使媒諸侯不可求媒於其國自使臣行則亦媒之義昏

有六禮下達之後初有納采擇之禮既行納采其日即行問

名問女之名將歸卜其吉凶也歸既卜得吉又使使者往告

謂之納吉納吉則昏禮定矣復遣納徵徵成也納幣以成昏

禮士禮納徵有玄纁束帛儷皮其諸侯謂之納幣以其幣多

故指幣言之納幣以後又有請期親迎是之謂六禮也計華

元來聘之後當有納采納吉二使二使之後乃次納幣今唯



書納幣者納采納吉其使非卿故不書也釋例曰諸侯昏禮  
亡以士昏禮準之不得唯止於納幣逆女納幣逆女二事皆  
必使卿行卿行則書之他禮非卿則不書也宋公使華元來  
聘聘不應使卿故傳明言得禮也魯君之昏唯存納幣逆女此其義  
也隱使卿故傳明言得禮也魯君之昏唯存納幣逆女此其義  
也是言聘女不應使卿今華元以卿將命故特書之也隱二  
年公羊傳曰昏禮不稱主人宋公使公孫壽來納幣則其稱  
主人何辭窮也辭窮者何無母也禮有母則母命之宋公無  
主昏者宋公自命之故稱宋公使公孫壽來  
也公孫壽蕩意諸之父者文十六年傳文。○晉殺其大  
夫趙同趙括傳曰原屏咎之徒也明本不以德義疏  
注傳曰至稱名。正義曰傳稱莊姬譖之則是同括無罪大  
夫無罪見殺例不書名此並書名故解之宣十二年傳曰原  
屏咎之徒也明本不以德義自居而妄叨高位宜其見討今  
雖實不作亂從告而稱其名言從告者凡殺大夫必以其實  
有罪告不肯言其無罪魯史詳其曲。○秋七月天子使  
直乃立其文故所書或從或否耳。○秋七月天子使

召伯來賜公命諸侯即位天子賜以命圭與之合瑞

稱。通稱。尺證反。○疏。注諸侯至通稱。正義曰天子賜諸侯之命  
公命僂十一年傳王賜晉惠公命周語王賜晉文公命皆是  
即位而賜之又賜之以圭擬朝而合瑞諸侯即位禮必朝王  
明當即位即賜之命今八年乃來是緩也隱元年宰咺來賜  
為其緩書名以譏之此亦緩也而不譏之者彼贈死不及尸  
弔生不及哀子氏未薨而豫凶事所失者大故特譏之春秋  
之時賜命禮廢唯文公即位而賜成公八年乃賜桓公死後  
追賜其餘皆不得賜苟以得之為榮故不復譏其緩也且賜  
之以圭者為朝而合瑞魯尚不朝天子不宜譏天子賜緩也  
天子之見經者三十有二稱天王者二十五稱王者八稱天  
子者一即此事是也三稱並行傳無異說故知天子天王王  
者之通稱也其不同者史異辭耳公羊傳曰其稱天子何元  
年春王正月正也其餘皆通矣杜用彼說也賈逵云諸夏稱  
天王畿內曰王夷狄曰天子王使榮叔歸舍且賜以恩深加  
禮妾母恩同畿內故稱王成公八年乃得賜命與夷狄同故  
稱天子左氏無此。○冬十月癸卯杞叔姬卒前五年  
義故往不從之。○冬十月癸卯杞叔姬卒前五年  
女歸適人雖見出奔猶以成人禮。○晉侯使士燮來聘  
書之終為杞伯所葬故稱杞叔姬



○叔孫僑如會晉士燮齊人邾人伐邾先謀而稱會盟

主之命不同○衛人來媵古者諸侯取適夫人及左右媵各有姪娣皆同姓之國

三人凡九女所以廣繼嗣也魯將嫁伯姬於宋故衛來媵之

○媵以證反又繩證反適丁歷反姪大結反字林丈一反娣

大計○疏注古者至媵之○正義曰莊十九年公羊傳曰媵

反○疏者何諸侯娶一國則二國往媵之以姪娣從姪者

何兄之子也娣者何弟也諸侯一聘九女是諸侯娶適夫人

及左右媵各有姪娣也傳曰同姓媵之異姓則否是夫人與

媵皆同姓之國也魯衛同姓故來媵之釋例曰古者諸侯之

娶適夫人及左右媵各有姪娣皆同姓之國國三人凡九女

參骨肉至親所以息陰訟陰訟息所以廣繼嗣也當時雖無

其人必待年而送之所以絕望求塞非常也辭稱愚不教

故遣大夫隨之亦謂之媵臣所以將謙敬之實也夫人薨不

更聘必以姪娣媵繼室一與之照則終身不二所以重婚姻

固人倫人倫之義既固上足以奉宗廟下足以繼後世此夫婦之義也

傳八年春晉侯使韓穿來言汶陽之田歸之

于齊季文子餞之

餞送行飲酒○餞錢淺反說文云送去食也字林子扇反毛詩箋云

祖而舍輒飲酒○疏注餞送行飲酒○正義曰詩大雅韓奕

於其側曰餞○疏篇云韓奕出祖出宿于屠顯父餞之清

酒百壺是餞為私焉○私與之言曰大國制義以為盟主

疏大國至盟主○正義曰義者宜也事得其宜謂之為義

汶陽之田宜其歸魯是歸魯為義歸齊不義大國當制

其義事以為諸侯懷德畏討無有貳心謂

諸侯之盟主是以諸侯懷德畏討無有貳心謂

汶陽之田敝邑之晉也而用師於齊使歸諸

敝邑用師肇今有一二命曰歸諸齊信以行義

義以成命小國所望而懷也信不可知義無

所立四方諸侯其誰不解體言不復肅敬於疏

信以至解體○正義曰言之有信義事乃行是信以行義事

必以義命乃成就故義以成命也杖信以行義事以義而命

春秋疏卷五



諸侯故以小國所望而歸之懷歸也言而無信則信不可知  
所命非義則義無所立如是則四方諸侯其誰不解體謂事  
疎慢也 詩曰女也不爽士貳其行士也罔極

一二二其德 爽差也極中也詩衛風婦人怨丈夫不一其  
行喻魯事首猶女之事夫不敢過差而晉有  
罔極之心反二三其德。行下 疏 詩曰至其德。正  
孟反注同差初賣反又初佳反 疏 義曰衛風氓之篇 七

年之中一與一奪二三孰甚焉士之二三猶  
喪妃耦而況霸主霸主將德是以 以用也。喪  
配耦苦 而二三之其何以長有諸侯乎詩曰猶

之未遠是用大簡 猶圖也簡諫也詩大雅言王者圖  
事不遠故用大道諫之。長音如

以敢私言之 疏 詩曰至言之。正義曰詩大雅板之  
篇也言王者之所圖謀其事未能長

晉欒書侵蔡 六年未  
得志故 遂侵楚獲申 申驪楚  
大夫。

馳反楚師之還也 謂六年遇  
於繞角時 疏 楚師之還也。正義  
曰還在六年不於彼

揖初從知范韓也 繞角之役欒書從知莊子范文子  
韓獻子之言不與楚戰自是常從

善如流宜哉 宜有功也  
如流喻速 詩曰愷悌君子遐不作

人 遐遠也作用也詩大雅言文王能遠用善人  
不語助。愷開在反樂也悌徒禮反易也。 疏 詩曰  
至作

行也鄭伯將會晉師 會伐蔡之師  
夫音扶。 門于許東門



大獲焉

過許見其無備因攻之。過古禾反。

○聲伯如莒逆也

自為逆婦

而書者因聘而逆。為干偽反。下文為趙嬰同。

○宋華元來聘聘共姬也

穆姜之女成公姊妹為宋共公夫人聘。注穆姜之女。不應使卿故傳發其事而已。共音恭。注穆姜之女。文子如宋致女還稱宋土之樂穆姜出拜謝之知是穆姜所生之女也。

夏宋公使公孫壽來納幣禮也

納幣應使卿。

○晉趙莊姬為趙嬰

之亡故譖之于晉侯

趙嬰亡在五年

曰原屏將為亂

欒卻為徵

欒氏卻氏亦徵其為亂。

六月晉討趙同趙括武

從姬氏畜于公宮

趙武莊姬之子莊姬畜也。

○疏

注趙武至養也。正義曰史記趙世家云趙朔娶晉成公姊為夫人案傳趙衰適妻是文公之女若朔妻成公之姊則亦文公之女父之從母不可以為妻且文公之卒距此四十六年莊姬此時尚少不得為成公姊也賈服先儒皆以為成公之女故杜從之

史記又稱有屠岸賈者有寵於靈公此時為司寇追論趙盾弑君之事誅趙氏殺趙朔趙同趙括而滅其族案二年傳欒書將下軍則於時朔已死矣同括為莊姬所譖此年見殺趙朔不得與同括俱死也於時晉君明諸臣彊無容有屠岸賈輒廁其間得如此專恣又說云公孫杵曰取他兒代武死程嬰匿武於山中居十五年因晉侯有疾韓厥乃請立武為趙氏後與左傳皆違馬遷妄說不可從也。

侯曰成季之勲宣孟之忠

成季趙衰宣孟趙盾。祁巨之反字林上尸反。

而無後為善者其懼矣三代之令王

皆數百年保天之祿夫豈無辟王賴前哲以

免也

言三代亦有邪辟之君但賴其先人以免禍耳。數所主反辟匹亦反注及下同哲陟列反邪似嗟反。

○疏

夫豈至免也。正義曰此趙同趙括謂天祿之父祖。周若桀紂之輩雖邪辟子孫賴禹湯之功而食天祿。

書曰不敢侮鰥寡所以明德也

周書康誥言文王不侮鰥寡而德益



明欲使晉侯之法文王乃立武而反其田焉○秋

召桓公來賜公命召桓公周卿士○晉侯使申公巫臣

如吳假道于莒與渠丘公立於池上渠丘公莒子朱也池

城池也渠丘邑名莒縣有蓬里。遷其居反。〔疏〕注渠丘至蓬里。正義曰十四

也渠丘莒之邑名夷不當有謚或作別號此朱以邑名為號不知其故何也。曰城已惡莒子

曰辟陋在夷其孰以我為虞虞度也。已惡如字已惡矣度待洛反。對曰夫狡焉狡猶之人。狡交卯反猶于八反。思啓封疆

以利社稷者何國蔑有唯然故多大國矣唯

或思或縱也世有思開封疆者有縱其暴掠者莒人當唯此為命。疆居良反注同唯然音維本

或作雖後人〔疏〕唯然。正義曰俗本改也掠音亮勇夫重閉況

國乎為明年莒潰傳。重直龍反又直勇反閉補計反又補結反一音戶且反○冬杞叔姬

卒來歸自杞故書愍其見出來歸故書卒也若更適大夫則不復書卒。復扶又反。

○晉士燮來聘言伐邾也以其事吳故七年邾與吳成

公賂之請緩師文子不可文子士燮曰君命無貳失

信不立禮無加貨事無一一成公私不兩成。後如君後諸

侯是寡君不得事君也欲與魯絕。後如字徐音胡豆反。燮將

復之季孫懼使宣伯帥師會伐邾○衛人來

媵共姬禮也凡諸侯嫁女同姓媵之異姓則

否必以同姓者參骨肉至親所以息陰訟。〔疏〕衛人至則否。正義曰膏肓

氣今左傳異姓則否十年齊人來媵何以無貳刺之文左氏為短鄭箴云禮稱納女於天子云備百姓於國君云備酒漿

字水火流卷三十一



不得云百姓是不博異氣也齊是大國今來媵我得之為榮不得貶也

經九年春王正月杞伯來逆叔姬之喪以歸

○公會晉侯齊侯宋公衛侯鄭伯曹伯莒子

杞伯同盟于蒲蒲衛地在長垣縣西南公至自會無傳○二

月伯姬歸于宋宋不使卿逆非禮○夏季孫行父如宋

致女女嫁三月又使大夫隨加聘問謂之致女所以致成婦禮篤昏姻之好。好呼報反○二

弟年來聘傳曰齊仲年來聘致夫人也此二月伯姬歸于宋見知致女必以三月蓋廟見之後婦禮既成使大夫聘問謂之致女其成婦之禮存謙敬序殷勤所以篤昏姻之好也仲而行父俱是致女而彼言聘者在魯而出則曰致女在他國而來則但言聘外內之異文也以彼言聘而實是致女故二注皆言使大夫隨加聘問為此也晉人來

媵勝伯也○秋七月丙子齊侯無野卒無傳五同盟丙子六月

月一日書疏注五同盟。正義曰無野以宣十年即位此

七月從赴疏二年及國佐盟于表婁又盟于蜀五年于蟲牢七年于馬陵此年于蒲皆魯齊俱在是五同盟也○晉人執鄭伯鄭伯既受盟

○冬十有一月葬齊頃公無傳○楚公子嬰

齊帥師伐莒庚申莒潰民逃其潰楚人入鄆鄆

○秦人白狄伐晉○鄭人圍許城中

城魯邑也在東海廩丘縣西南此閏月城在○鄭人圍許城中注魯邑

正義曰長曆推此年閏十一月傳城中城文在十二月上而云書時也即是閏月城之閏月半後即是十二月節故水昏已正而城之是得時也



傳九年春杞桓公來逆叔姬之喪請之也叔姬

已絕於杞魯強請杞使還取葬。復扶又反下同強其丈反杞叔姬卒為杞故也

還為杞婦故卒稱杞。為于偽逆叔姬為我也既弃而復逆其

喪明為魯故。逆叔姬絕句為我也本或無為字○為歸汝陽之田故諸侯

貳於晉歸田在晉人懼會於蒲以尋馬陵之盟

馬陵在季文子謂范文子曰德則不競尋盟何

為也競強范文子曰勤以撫之寬以待之堅疆

以御之明神以要之柔服而伐貳德之次也

是行也將始會吳吳人不至為十五年會鍾離傳

○二月伯姬歸于宋復命起○楚人以重賂

求鄭鄭伯會楚公子成于鄧為晉人執○夏季

文子如宋致女復命公享之賦韓奕之五章

韓奕詩大雅篇名其五章言厥父嫁女於韓侯為女相所居莫如韓樂文子喻魯侯有厥父之德宋公如韓侯宋土如韓

樂。厥九衛反為于偽反穆姜出于房再拜曰大

夫勤辱不忘先君以及嗣君施及未亡人穆姜伯姬

母聞文子言宋樂喜而出謝其行勞婦人夫死自稱未亡人。施以或反先君猶有望也先

君亦望文敢拜大夫之重勤又賦綠衣之卒章

而入綠衣詩邶風也取其我思古人實獲我心喻文子言得已意。重直勇反又直用反綠如字本又作祿吐

亂反注同邶○晉人來媵禮也同姓○秋鄭伯如

晉晉人討其貳於楚也執諸銅鞮銅鞮晉別縣在上黨。鞮



丁兮 纘書伐鄭鄭人使伯蠲行成晉人殺之非

禮也兵交使在其間可也明殺行人例。蠲古玄反又音圭使在所吏反

楚子重侵陳以救鄭陳與晉故晉侯觀于軍府見

鍾儀問之曰南冠而縶者誰也南冠楚冠縶拘執也。縶中立反拘九

于疏注南冠楚冠。正義曰應劭漢官儀云法冠一曰柱反後冠左傳南冠而縶則楚冠也秦滅楚以其冠賜近

臣御史服之即今解豸冠也古有解豸獸觸不直者故執憲以其形為冠令觸人也有司對曰

鄭人所獻楚囚也使稅之鄭獻鍾儀在七年稅解也。稅吐活反徐始鏡反注

同 召而弔之再拜稽首問其族對曰冷人也

冷人樂官。冷力疏注冷人樂官。正義曰詩簡兮序云丁反依字作冷。衛之賢者仕於冷官鄭玄云冷官樂

官也冷氏世掌樂官而善焉故後世多號樂官為冷官呂氏春秋稱黃帝使冷倫自大夏之西崑崙之陰取竹斷兩節而

吹之以為黃鍾之宮昭二十一年傳景王鑄無射冷州鳩其之是冷氏世掌樂官也周語云景王鑄鍾成冷人告和魯語云冷簫詠歌及鹿鳴之三此稱冷人詩稱冷官是冷為樂官之名也 公曰能樂乎對曰

先父之職官也敢有一事言不敢學他事使與之琴

操南音南音楚聲。操七刀反下同 公曰君王何如對曰非

小人之所得知也固問之對曰其為天子也

師保奉之以朝于嬰齊而夕于側也嬰齊合尹子重側司

馬子反言其一不知其他公語范文子文子曰楚

尊卿敬老 囚君子也言稱先職不背本也樂操土風不

忘舊也稱天子抑無私也舍其近事而遠稱少小以示性所自然明至誠

語魚據反背音佩下 疏注舍其至誠。正義曰楚王同舍音捨少詩照反 既為君矣不言為君時事而遠

同舍音捨少詩照反



稱大子者若言為君時事嫌為君隱惡或疑已在君位矯情為善舍其當時近事遠稱大子少小者未為君時不須隱蔽以示王性自然言其從小如此以明己之至誠無所私也禮君前臣名字則貴於名此道二卿之名不言字是尊晉君也

名其二卿尊君也尊晉君也不背本仁也不忘舊信也無私忠也尊君敏也敏達也仁以接事信

以守之忠以成之敏以行之事雖大必濟言有

此四德必能成大事君盍歸之使合晉楚之成公從之重

為之禮使歸求成為下十二月晉楚結成張本。盍戶臘反。○冬十一

月楚子重自陳伐莒圍渠丘渠丘城惡眾潰

奔莒戊申楚入渠丘月六日莒人囚楚公子平

楚人曰勿殺吾歸而俘莒人殺之楚師圍莒

莒城亦惡庚申莒潰月十日楚遂入鄆莒無備

故也終巫臣之言君子曰恃陋而不備罪之大者也

備豫不虞善之大者也莒恃其陋而不脩城

郭浹辰之間而楚克其三都無備也夫浹辰十日也

○浹子協反徐又音子答反夫音扶疏注浹辰十二日也。正義曰浹為周十二辰周禮縣治象浹日而斂之謂周甲癸十日此言浹辰謂周子亥十二辰故為十二日也詩曰雖

有絲麻無弃菅蒯雖有姬姜無弃蕉萃凡百

君子莫不代匱言備之不可以已也逸詩也姬姜大國之

女蕉萃陋賤之人。菅古顏反蒯苦怪反蕉在遙反萃在醉反匱其位反疏無弃菅蒯。正義曰釋草云白華野

菅郭璞曰菅茅屬陸璣毛詩疏曰菅似茅滑澤無毛肋宜為索漚及曝九善蒯與菅連亦菅之類喪服疏屨者傳曰蕉蒯



之非也。可以為屬。明助如菅並。○秦人白狄伐晉諸

侯貳故也。○鄭人圍許。示晉不急君也。此秋晉執鄭伯

是則公孫申謀之曰。我出師以圍許。示不為

將改立君者。而紆晉使。紆緩也。勿亟遣使。請晉示欲更立君。為將並如字。或于

偽反非也。本或作偽。將紆音舒。使所吏反。注及下同。亟。紀力反。急也。或欺異反。數也。晉必歸君。明

年晉侯歸。鄭伯張本。○城。中。城。書。時。也。○十一月。楚子使公

子辰如晉。摯鍾儀之使。請脩好。結成。鍾儀奉

故楚報之。好呼報反。

經十年春。衛侯之弟黑背帥師。侵鄭。○夏。四

月。五。卜。郊。不。從。乃。不。郊。無傳。卜常祀不郊。皆非禮。故書

疏。注。卜常

則。下。者。每。旬。一。卜。傳。稱。啓。蟄。而。郊。則。周。之。三。月。郊。之。大。期。此。云。五。卜。者。當。是。三。月。三。卜。四。月。又。二。卜。皆。不。吉。乃。止。也。僖。三。十。一。年。傳。云。禮。不。卜。常。祀。不。應。卜。而。卜。以。不。吉。而。不。郊。皆。非。禮。也。

○五月公會。晉侯。齊侯。宋公。衛侯。曹伯。伐鄭。

禮也。太子州蒲也。稱爵。見其生代父。疏。注。晉侯至之禮。正義。居位失人之禮。見賢遍反。疏。曰。如傳文。知晉侯是大子也。漢末有汝南應劭作舊名諱議云。昔者周穆王名滿。晉厲公名州滿。又有王孫滿。是同名不諱。則此為州滿。或兩州滿。誤耳。今定本作滿。傳無譏文。知譏其生代父位失人之禮者。傳稱凡在喪。公侯曰子。父喪代位。尚不稱君。生代父位。譏之必矣。傳言立大子。以為君。若其不譏。則不須此傳。是顯其譏之意。

○齊人來媵。無傳。媵。伯

媵。非。禮。也。○丙午。晉侯。獯卒。六同盟。據傳。丙午。六月。七日。有日。無月。獯。乃

反。疏。注。六同盟。正義曰。獯。以宣九年。即位十七年。盟于

馬陵。九年。于蒲。皆魯。晉。俱在。是六同盟也。

○秋。七月。公如晉。○冬。十月。

晉。俱在。是六同盟也。

春秋。流。卷。三。上。

春秋。流。卷。三。上。

春秋。流。卷。三。上。



傳十年春晉侯使糴莠如楚

糴莠晉大夫。糴徐徒弔反。音杜敖反。

又土弔反。莠扶廢反。音蒲發反。又蒲艾反。

報大宰子商之使也

子商楚公子辰

使在前年。大音泰。使所吏反。下及注使在同。

○衛子叔黑背侵鄭晉命也

也

晉命衛使侵鄭

○鄭公子班聞叔申之謀

改立君之謀 二

月子如立公子縞

子如公子班縞音須

夏四月鄭人殺縞

立髡頑子如奔許

髡頑鄭成公太子。髡苦門反。頑如字。徐五班反。

欒武

子曰鄭人立君我執一人焉何益不如伐鄭

而歸其君以求成焉晉侯有疾五月晉立大

子州蒲以為君而會諸侯伐鄭

生立子為君此父不父子不子

經困書晉侯其惡明州蒲本或作州滿

鄭子罕賂以襄鍾

子罕穆公子襄鍾鄭襄公

之廟子然盟于脩澤子駟為質

子然子垂皆穆公子然子垂皆穆公

脩武亭。質音致。卷音權。字林丘權反。如淳漢書同音。

辛巳鄭伯歸

鄭伯歸不書鄭不告入

○晉侯夢大厲被髮及地搏膺而踊曰殺余

孫不義

厲鬼也。趙氏之先祖也。八年晉侯殺趙同。趙括故怒。被皮寄反。搏音博。踊音勇。

疏

鬼至故怒。正義曰。鬼怒言殺余。孫不義必是枉死者之祖也。景公即位以來。唯有殺趙同。趙括。故知是趙氏之先祖。趙氏先祖其人非一鬼。不自言其名。未知誰之鬼。世本云。公明生。趙夙。晉語云。趙衰。趙夙之弟。則括之祖。公明是也。服虔又以為公明之鬼。凡為疫厲之鬼。皆妖邪之氣。未必真是彼人。故杜不復指斥。

余得請於帝矣

壞大門及寢門而入公懼入于室爻壞戶公覺

召桑田巫

桑田巫邑。壞音怪。下同。及寢門一本無。及字覺古孝反。

巫言如夢

公曰何如曰不食新矣

言公不得及食新麥 公疾

巫云鬼怒如公所夢

公曰何如曰不食新矣

言公不得及食新麥 公疾

水火龍卷三六



病求醫于秦秦伯使醫緩為之緩醫名為猶治也。醫於其反。未

至公夢疾為二豎子曰彼良醫也懼傷我焉

逃之其一曰居膏之上膏之下若我何膏。懼傷我絕句焉徐於虔反一讀如字屬上句。逃之絕句音徐音荒詭文云心下膏上也。膏音革。疏。注。膏。至。為膏。正義曰此賈逵之言杜依用之古今傳文皆以為膏之下賈服何休諸儒等亦皆以為膏雖凝者為脂釋者為膏其實凝者亦曰膏故內則云小切狼觸膏則此膏謂連心脂膏也劉炫以為釋首者為膏連心之脂不得稱膏以為膏當為膏改易傳文而規杜氏非也。醫至曰疾不可為也在膏之上膏

之下攻之不可達之不及藥不至焉不可為也

也達針。攻音工。公曰良醫也厚為之禮而歸之六月丙午晉侯欲麥周六月今四月。月麥始孰。使甸人獻麥甸人

主為公田者饋人為之召桑田巫示而殺之將

食張如廁陷而卒張腹滿也。饋其媿反。為如字張中亮反注同。小臣有

晨夢負公以登天及日中負晉侯出諸廁遂

以為殉傳言巫以明術見殺。小臣以言夢自禍。鄭伯討立君者戊

申殺叔申叔禽叔禽叔申弟。正義曰此無文也以禽與申俱死當是坐其兄弟知是弟也。君子曰忠為令德非其人猶不可

況不合乎言申叔為忠不。言叔申忠誠為此令善。得其人還害身。疏忠為至令乎。正義曰言叔申忠誠為此令善者乎言令德者往年公孫申曰我出師以圍許為將改立君者而紆晉使晉必歸君是也。秋公如晉親弔。非禮。晉人止公使逆葬

於是糴芻未反是春晉使糴芻至楚結成晉謂魯。一。於楚故留公須糴芻還驗其虛實。冬

春大流

三



葬晉景公公送葬諸侯莫在魯人辱之故不  
書諱之也

諱不書  
晉葬也

附釋音春秋左傳注疏卷第二十六

卷第二十六

禮記卷之四十四

江西南昌府學葉

春秋左傳注疏卷二十六按勘記 阮元撰盧宣旬摘錄

附釋音春秋左傳注疏卷第二十六 成三年盡十年

**經三年**

三家經傳有五字 監本毛本五作火

乙亥葬宋文公 淳熙本脫宋字

晉卻克衛孫良夫伐虜咎如 石經宋本淳熙本作虜俗字省  
筆耳

及荀庚盟 宋本此節正義在冬十有一月節注下

**傳三年**

覆伏兵也 釋文注亦作兵也宋本淳熙本脫也字

皇戍如楚獻捷 石經宋本岳本戍作戍不誤



以爲俘馘

說文馘字注引作以爲俘馘从耳或聲云或从

注以血主釁鼓

宋本以下正義三節摠入其竭力致死

正義曰

宋本日字空缺

亦死且不朽

闕本朽誤朽

注宣十至討之

宋本以下正義二節摠入上失民也注

則傳無所解

闕本監本毛本所作此非

釋例曰傳文

宋本文作云

三年潰逃已有例矣

宋本三上有文字是也

其位在三

宋本以下正義二節摠入丙午節之下

子產語晉曰

宋本語作論

十二月甲戌

石經宋本岳本纂圖本闕本毛本戌作戊是也

將授玉

案惠士奇云授玉古文左傳作授王詳左傳補注然玉王二字篆體分別甚微此處自因太史公誤認玉爲王正義所言是也

將授玉

宋本以下正義二節摠入在此堂也之下

景公不敢當

案史記當作受

以爲將授王

毛本王作玉非也

遂節成爲此謬辭耳

補各本節作飾

君爲婦人之笑辱也

石經初刻作御後改作婦

非爲脩好

淳熙本好誤子下句故云誤文云

故云晉君不任當此惠

宋本無惠字



迎聘客何以皮弁

監本毛本客作賓

如實出已

石經宋本岳本已作已是也

**經四年**

陷廁而死

淳熙本而誤師岳本廁作廁不誤

取鉏任洽敦之田

閩本洽誤洽

取汜祭

石經記作汜岳本纂圖本毛本作汜是也釋文亦作汜音凡注同或音祀案正義引字書云水旁已為汜水旁已為汜字相亂也

注汜祭至汜水

宋本此節正義在不然節注下

襄城縣有南汜

閩本監本毛本南作西按作南與僖廿四年注合

字書水旁已為汜

案已當作汜

今汜水上源為汜谷

宋本為作謂

欲使自屈在楚子前決之

岳本在作於監本毛本作于山井鼎引考異亦作于楚子下多

之字

**經五年**

夫人比至于國

宋本國上有其字與禮記雜記合毛本于誤于

**傳五年**

注自告貞伯從人

宋本此節正義在祭之之明日而亡注下

俱是在野言之

宋本言上有皆以野三字

謂之禪者

閩本監本毛本禪作饋非也



彼自逆女

闕本監本毛本自作晉非也

注捷邪出

宋本以下正義三節摠入遂以告而從之注

山有朽壤而崩

闕本朽誤朽

前此年鄭伐楚故

宋本足利本此作比楚作許與三年經合淳熙本岳本纂圖本亦作許

**經六年**

故云魯人自牽之功

宋本故云上有案在二年今始立武宮九字

**傳六年**

注禮授至東過

宋本此節正義在士貞伯日節注下

傳言東楹之東

未本傳字上有且字

注宣十至譏之

宋本此節正義在聽於人節注下

何以不言禱也

宋本何作可

經唯書衛孫良夫

岳本唯作惟宋本無衛字

乃止

淳熙本止誤上

沃饒至失也

宋本以下正義八節摠入公說從之節注下

君日出而視朝

宋本日下有出字是也

惡疾疢

監本毛本疢作疢正義同釋文亦作疢云本或作疢同也按當云本或作疹俗譌从尔

地之下濕狹隘

毛本濕作溼下文注亦作溼

汾水出大原

淳熙本岳本纂圖本大作太按太泰字古皆作大

飢寒而犯法

闕本監本毛本飢誤饑法作灋

而勞逸等也

宋本闕本監本毛本逸作佚



前年楚晉盟

宋本溥熙本足利本楚作從不誤

汝南朗陵縣東有桑里

案後漢書郡國志引注作桑里亭

子之佐十一人

宋本以下正義二節摠入從之不亦可乎注下

今見在周書

宋本閩本監本毛本作今此本誤令今改正

**經七年**

釋獸

宋本獸下有云字是也

鄉音談

此釋文也閩本監本並誤作注

陽平元城縣

案郡國志引注作平陽誤也

**傳七年**

詩曰至有定

宋本此節正義在斯不亡矣之下

尋蟲牢之盟

石經亦作蟲顯炎武云誤作蠱所據乃王堯惠刻也

軍藏府也

溥熙本軍誤車

軍九乘爲小偏

宋本溥熙本岳本纂圖本監本毛本軍作車是也

以兩至一焉

宋本此節正義在子重子反節注下

以舍既備偏

宋本備作稱

今此特將兵車

宋本閩本監本毛本作今此本誤令今改正

林父出奔

監本脫出字

戚自從隨而屬晉

閩本監本毛本而上衍之字

**經八年**

必先使媒氏通其言

宋本通上有下字



諸侯不可求媒於其國

宋本毛本其作他

晉殺其大夫趙同趙括

閩本括誤括

天子使召伯來賜公命

案曲禮正義引作來錫公命公羊穀梁亦作錫

八年乃來緩也

重脩監本緩誤作緩

天子天王

監本王誤作主

天王使毛伯來錫公命

閩本監本毛本王誤作子

三十有二

浦鏜正誤二作四盧文弨云是也

稱王者八

宋本八作六不誤

畿內曰王

宋本王作主

女歸適人

宋本溥熙本岳本纂圖本監本毛本歸作既是也重脩監本女誤作文

傳六年

注錢送行飲酒

宋本以下正義五節摠入是以敢私言之句下

信以至解體

宋本閩本監本毛本作信以此本誤倒今訂正

猶女之事夫

宋本脫事夫二字

是用大簡

案詩作大諫杜云簡諫也古義本通

楚師之還也

宋本無也字以下正義二節摠入門于許東門之下

今汝南平與縣

閩本監本毛本與作與釋文亦作與字按釋文當作與字故曰音餘一音預宋本作

平與則作與者古本也

注穆姜之女

宋本此節正義在禮也注下

注趙武至養也

宋本以下正義二節摠入乃立武而反其田焉之下



與左傳皆違

閩本監本毛本皆作背

以其田與祁奚

纂圖本祁作祈非也

夫豈無辟王賴前哲以免也

釋文辟作僻哲作喆

謂天祿之父祖

齊召南校本謂作嗣

秋召桓公來賜公命

閩本賜作錫

莒縣有蘧里

郡國志引注蘧下有邛字

渠邱至蘧里

宋本以下正義二節摠入勇夫重閉節注

夫狡焉思啟封疆

陸粲附注云狡焉當屬下為句李善潘岳關中詩注引傳封上有其字

唯然

釋文云唯音維本或作雖後人改也正義曰俗本唯作

君命無貳

纂圖本無誤不

是寡君不得事君也

閩本說也字

九年

在長垣縣西南

毛本垣作垣非也

篤昏姻之好

纂圖本昏作婚

注女嫁至之好

宋本此節正義入晉人來勝注下

桓三年九月

監本毛本三誤二

其成婦之禮

宋本其上有致字

在東海廩邱縣西南

宋本岳本纂圖本監本毛本廩作廩

案晉書地理志東海郡屬有厚邱無廩邱而劉昭注續漢書郡國志于東海郡厚邱條下引杜云縣西南有中鄉城又水經沐水注云又南逕東海厚邱縣則廩當是厚字之誤



傳九

使還取葬

閩本還誤之

馬陵在七年

宋本淳熙本足利本陵下有盟字

堅疆以御之

石經宋本淳熙本岳本閩本監本毛本疆作疆是也

又賦綠衣之卒章而入

釋文云綠本又作祿案詩綠衣箋云綠當為祿字之誤陸氏又作之說從鄭箋也

詩邶風也

纂圖本閩本監本毛本邶誤邶釋文亦作邶云又作邶

注南冠楚冠

宋本以下正義三節摠入君盍歸之節注下

即今解豸冠也

閩本監本解作解毛本作解豸作豸案字林亦作鷹

故執憲以其用形為冠

宋本用作角不誤監本毛本作以其形用非也

冷人也

釋文云冷依字作伶案作伶非也五經文字云冷樂官或作伶訛

呂氏春秋稱黃帝使冷倫

宋本冷作伶

以為黃鍾之宮

宋本閩本監本毛本鍾作鍾下鑄鍾同

冷州鳩其之

閩本監本毛本其作藏亦誤宋本作非是也

樂操土風

操字閩本誤作操

備豫不虞

石經凡豫字皆缺筆避代宗諱此處誤作豫

注浹辰十二日也

宋本以下正義二節摠入詩曰節注下

浹為周匝也

宋本匝作匝按匝匝正俗字

無弃菅蒯

案玉篇蔽字注引作無棄菅蔽蒯字注云同上

無弃蕉萃

漢書文帝紀注引亦作蕉萃案詩東門之池正義引作樵悴後漢應劭傳注云蕉萃樵悴古通用



陸璣毛詩疏曰 案璣當作機

助宜為索 宋本助作朋外刃是也下同按詩白華正義爾雅疏並作朝

勿亟遣使請晉 宋本淳熙本岳本纂圖本監本毛本請作請不誤

請脩好結成 監本毛本請作謂誤

**經**

晉侯大子州蒲也 宋本淳熙本岳本纂圖本閩本監本毛本亦作滿正義引應劭諱議云周穆王

名滿晉厲公名州滿又有王孫滿則此為州滿定本亦作滿釋文云州蒲本或作州滿劉氏史通雜駁篇以蒲為誤案史記又作壽曼梁玉繩云曼滿音相近壽州字相通

見其生代父居位 釋文無其字

應劭作舊名諱議云 宋本名作君是也監本諱誤緯

或兩州蒲誤耳 閩本監本毛本亦誤作兩宋本作為

冬十月 浦鐘云案禮記中庸正義成十年不書冬十月此有者當是後人妄增耳

**傳**

晉立大子州蒲以為君 釋文云本或作州滿案定本作滿說見經

鄭子罕賂以襄鍾 宋本淳熙本岳本足利本鍾作鐘與石經合注同

滎陽卷縣東有脩武亭 淳熙本監本毛本滎作滎非也案水經濟水注引脩武作武脩方輿

紀要云原武縣有武脩亭故卷城在今原武縣北宋本卷作巷誤也

注厲鬼至故怒 宋本以下正義二節摠入小臣節注下

唯有殺趙同趙括 閩本監本毛本並作有亦非宋本作

則括之祖 浦鐘云括上當脫同字



凡為瘦厲之鬼

閩本監本毛本厲誤為

桑田巫邑

宋本淳熙本岳本纂圖本監本毛本巫作晉是也

懼傷我焉逃之

岳本我字絕句釋文云焉於虔反一讀如字屬上句逃之絕句

盲鬲也心下為膏

閩本監本毛本作育鬲至為膏

劉炫以為釋首者

宋本無首字

達針

釋文作鍼也音針

麥始孰

宋本淳熙本岳本纂圖本閩本監本毛本孰作熟

張如廁

玉篇脹字注引作脹如廁案脹乃俗字釋文亦作張

注叔禽叔申弟

宋本以下正義二節應入君子曰節注之下

況不令乎

高注呂覽至忠篇引作況不令之尤者乎是所見本有異也

於是糴莩未反

傳熙本糴作糶非監本注文莩誤作茂

晉謂魯二於楚

岳本閩本監本毛本二作貳

附釋音春秋左傳注疏卷第二十六

春秋左傳注疏卷二十六投勘記



附釋音春秋左傳注疏卷第二十七

成十一年 盡十五年

杜氏注

孔穎達疏

經十有一年春王三月公至自晉

正月公在晉 不書諱見止

疏

注正月至見止。正義曰襄二十九年正月公在楚傳曰釋不朝正于廟也彼以踰年故書正月公在楚此亦

踰年不書正月公在晉者為諱見止故正月不以告廟案春秋上下公之在晉諱與不諱悉皆不書此言諱見止者以此兼有諱義故詳之也宣五年傳公如齊高固使齊侯止公請叔姬焉夏公至自齊書過也注云公既見止連昏於鄰國之臣厭尊毀列累其先君而於廟行飲之禮故書以示過宣七年公會晉侯云于黑壤傳稱晉侯以公不朝又不聘止公于會不與公盟八年公至自晉注云義與五年書過同此亦見止還而告至杜不言義與書過同者公實不貳於楚晉以無罪止公非所當諱故依法告至然則正月諱不告者正月公猶被執守臣若其告廟當云公被晉執故諱而不告公還不以為恥故告至耳

晉侯使郤欒來聘己丑及郤欒盟



郤隼御克從父兄注郤隼至兄弟正義曰案世本郤

弟○隼尺由反○**疏**注郤隼至兄弟正義曰案世本郤

生義義生步揚揚生州州即隼也如彼文則隼與克俱是豹

之會孫當為從祖昆弟服虔以為從祖昆弟杜云從父昆弟

或父當是○夏季孫行父如晉○秋叔孫僑如如

齊○僑其○冬十月

傳十一年春王三月公至自晉晉人以公為

貳於楚故止公公請受盟而後使歸前年七月

至是乃○郤隼來聘且泄盟公請受盟故使大夫來

得歸○聲伯之母不聘聘本亦作媵四政反肝許乙反媒亡

○**疏**注昆弟之妻相謂為姒○正義曰世人多疑

同母昆弟○姒音似婦姒之名皆以為兄妻呼弟妻為弟妻呼

兄妻為姒因即感於傳文不知何以為說今謂母婦之號隨

夫尊卑無以相加遂從身之少長喪服小功章曰婦姒婦報傳

曰婦姒婦者弟長也以弟長解婦姒言弟是弟姒是長也公

羊傳亦云婦者何弟也是其以弟解婦姒自然以長解姒長謂

身之年長非夫之年長也釋親云長婦謂稚婦為婦婦謂長

婦為姒昭二十八年傳叔向之嫂謂叔向之妻為姒二者皆

呼夫弟之妻為姒豈計夫之長幼乎釋親又云女子同出謂

先生為姒後生為婦孫炎云同出謂俱嫁事一夫也事一夫

者以已生先後為婦姒則知婦姒以已之年非夫之年也故

賈逵鄭玄及此注皆云兄弟之妻相謂為姒言兩人相謂謂

長者為姒知婦姒之名不計夫之長幼也

生聲伯而出之嫁於齊管于

奚生二子而寡以歸聲伯聲伯以其外弟為

大夫外弟管于奚之子為魯大夫而嫁其外妹於施孝叔孝叔

魯惠公五世孫郤隼來聘求婦於聲伯聲伯奪施氏



婦以與之婦人曰烏獸猶不失儷儷耦也。儷力許反。

**疏**注儷耦也。正義曰禮謂兩皮為儷皮儷兩也故為耦。子將若何曰吾不能死亡言不與郤犇婦懼能忿致禍。婦人遂行生二子於郤

氏郤氏亡晉人歸之施氏施氏逆諸河沈其二子沈之於河。沈徐陸反注同一音如。婦人怒曰已不能庇其

仇儷而亡之仇敵也。已音以又音紀庇必利反又音祕仇苦浪反。**疏**注仇敵也。正義曰仇者相當之言故為敵也仇儷者言是相敵之匹耦。

又不能字人之孤而殺之字愛也。將何以終遂誓施氏約誓不復為之婦也傳言郤犇淫縱所以

亡也。復扶又反。夏季文子如晉報聘且蒞盟下文注復出皆同。

**疏**注郤犇至略輕也。正義曰晉臣來盟也。故但書來盟舉重略輕。

於魯魯臣往盟於晉俱是相要其意一也意既同矣可書一以包二宜舉重而略輕遣使為輕君親為重故郤犇書聘又書盟文子直書如晉略言其聘而已衛冀隆難以為他鄉來敵魯君春秋所諱魯卿出敵他國顯書名氏則應郤犇來盟為輕行父盟晉為重今書郤犇之盟則是舉輕略重何得云舉重略輕蘇氏釋云所言輕重者自謂魯之君臣臣盟為輕君盟為重二國各稟君命奉使而行非關敵公之義其意不同不得相難。

之偪也惠王襄王之族惡烏路反。且與伯與爭政伯與周卿士伯與音餘

本亦作與。不勝怒而出及陽樊陽樊晉地王使劉子復之

盟于鄆而入三日復出奔晉王既復之而復出所以自絕於周為明年

周公出奔傳鄆周邑。鄆音稍。秋宣伯聘于齊以脩前好前之好。好呼報反注同。

晉郤至與周爭鄆田鄆溫別邑今河南懷縣西南有鄆人

王命劉康公單襄公訟諸

郤人本又作候人如字

春秋左傳卷二十七

三



晉郤至曰温吾故也故不敢失

言温郤氏舊邑。單音善。疏

注言温郤氏舊邑。正義曰郤是温之別邑本從温内分出温屬晉郤屬周温是郤氏舊邑郤氏既已得温則謂從温而分出者亦宜從温而屬郤氏故郤至爭之其劉子單子之言襄王勞文公而賜之温於時郤已分矣賜晉以温不賜以郤也狐氏陽氏先處温邑於時亦不得劉子單子曰昔周

克商使諸侯撫封

各撫有其封内之地

蘇忿生以温爲司

寇與檀伯達封于河

蘇忿生周武王司寇蘇公也與檀伯達俱封於河内。檀待舟

反疏

注蘇忿至公也。正義曰尚書立政云周公若曰大史司寇蘇公此傳與彼俱言蘇公爲司寇明是一人

此言克商即爲司寇是爲武王司寇蘇氏即狄又不能於狄而奔衛

在僖二十五年狐氏陽

在僖二十五年狐氏陽

氏先處之

狐秦陽處父先食温地。秦側巾反

而後及子若治其

故則王官之邑也子安得之晉侯使郤至勿

敢爭

傳言郤至貪所以亡

宋華元善於令尹子重又善

於欒武子聞楚人既許晉翟萼成而使歸復

命矣

在往年。華戶化反

冬華元如楚遂如晉合晉楚之

成

爲明年盟宋西門外張本

秦晉爲成將會于令狐晉侯

先至焉秦伯不肯涉河次于王城使史穎盟

晉侯于河東

史穎秦大夫。令力丁反穎苦果反

晉郤犇盟秦伯

于河西

就盟王城

范文子曰是盟也何益齊盟所以

質信也

齊一心質成也

會所信之始也始之不從其何

質乎秦伯歸而背晉成

爲十三年伐秦傳。背音佩卷内皆同



經十有二年春周公出奔晉○夏公會晉侯

衛侯于瑱澤瑱澤地闕○瑱素○秋晉人敗狄于

交剛交剛地闕○冬十月

傳十二年春王使以周公之難來告周公奔在

乃旦反書曰周公出奔晉凡自周無出周公自出

故也天子無外故奔者不言出周公為王疏注天子至

義曰凡言出者謂出其封內天子以天下為家本無出封之

理以無外之故雖有出奔之人史策皆不言出昭二十六年

尹氏召伯毛伯以王子朝奔楚實出而不言出是其事也襄

王蔽於匹夫之孝不顧天下之重故書云出居于鄭此周公

以罪責之而又自出故書云出奔是不應言出而言出皆所

罪大者刑之小則宥之以為實無出法案書流宥五刑則宥

者流之非不出也舜放四罪投之四裔安得不出畿乎若如

周禮無流放之文即云周無放臣之法禮三諫不從待放於

郊然則周臣三諫不從終是不蒙王放欲令諫者何所措身

左傳發凡自是書策之例因即以爲周○宋華元克合

制謂其實無出者執文害意為蔽何甚

晉楚之成終前夏五月晉士燮會楚公子罷

許偃二子楚大夫○癸亥盟于宋西門之外曰凡

晉楚無相加戎好惡同之同恤菑危備救凶

患若有害楚則晉伐之在晉楚亦如之交贄

往來道路無壅贄幣也○好惡並如字又上呼報反下

於勇疏注贄幣也○正義曰傳言交贄往來謂聘使來去

反謂聘享也也聘禮賓執圭以通命執幣以致享故知贄是幣

之幣也謀其不協而討不庭討背叛不來有渝此

盟明神殛之殛誅也○渝羊朱反殛俾隊其師無



克胙國

俾使也隊失也。○俾本亦作卑必。爾反隊直類反注同胙才故反。

鄭伯如晉

聽成

聽猶受也晉楚既成鄭往受命。

會于瑣澤成故也

晉既與楚成合諸侯以申

成好。○好呼報反盡年皆同。

狄人間宋之盟以侵晉而不設

備

○間宋間

秋晉人敗狄于交剛。○晉卻至如

楚聘且涖盟楚子享之子反相為地室而縣

焉

縣鍾鼓也。○相息亮反縣音立注同。

卻至將登

登

金奏作於下

擊鍾而

疏

注擊鍾而奏樂。○正義曰作樂謂之奏奏樂先

以鍾先擊故先言鍾也。鍾以金為之謂之金奏故鍾師掌金

奏鄭玄云金奏擊金以為奏樂之節金謂鍾及鐃也。鄭玄燕

禮注云以鍾鐃播之鼓磬應之所謂金奏也。是金為奏節之

初故傳言金奏作於下作樂先擊鍾故注云擊鍾而奏樂也。禮記仲尼燕居云兩君相見入門而縣與升堂而樂闋郊特

聘連言之則燕享朝賓聘客皆入門即奏樂矣其實朝賓入門而奏樂聘客則至庭乃奏樂此卻至將登堂始奏樂者縣當在庭而楚之為地室而縣待客將登乃奏皆所以見異故欲以驚賓矣燕享聘客皆當入門奏肆夏若燕已之羣臣則有王事之勞者乃得以樂納賓其常燕唯有升歌闋合而已無納賓之樂也故燕禮記云若以樂納賓則賓及庭奏肆夏鄭玄云卿大夫有王事之勞者則奏此樂焉。驚而走出是燕已之臣無王事之勞者不以樂納賓也。

子反曰日云莫矣寡君須矣吾子其入也賓

曰君不忘先君之好施及下臣賦之以大禮

重之以備樂

既賜也。○莫音暮本亦作暮。施以鼓反重直用反。

疏

驚而至備樂。○正義

曰卒闋地下鍾聲出其不意故驚而走。出其出實為驚。怖因即飾辭辭樂言已不敢當大禮匿其驚走之意。○如

天之福兩君相見何以代此下臣不敢

言此兩君相見

禮之疏

注言此至之禮。○正義曰仲尼燕居云兩君相見入門而縣與是賓入門作樂為兩君相見之禮也而燕



禮雖兼聘問之賓以燕已臣為主而云若以樂納賓燕已之臣尚有以樂納賓之法則燕享聘客必以樂納賓矣故鄭立郊特牲注云賓朝聘者朝聘並言則君臣同樂卻至不敢同君故以之為辭耳非謂禮不得也子反曰如

天之福兩君相見無亦唯是一矢以相加遺

焉用樂言兩君戰乃相見無用此樂○遺唯季反焉於度反疏注言兩至此樂○正義曰子反意言

唯當用是一矢以相加陵相遺與耳無為用此樂也音楚並是大國不肯相朝唯戰乃相見其相見之時寡君

須矣吾子其入也賓曰傳諸交讓得賓主辭多曰賓主以明之疏注

是也若讓之以一矢禍之大者其何福之為世諸至明之○正義曰知傳諸交讓得賓主辭多曰賓主者此傳每稱卻至為賓文十二年傳稱西乞術為賓并稱主人曰

之治也諸侯間於天子之事則相朝也王事間私好○治直吏反下注於是乎有享宴之禮享以

訓其儉所以訓共儉○享許丈反舊又許亮反本亦作饗

顯反倚於綺反注享有至共儉○正義曰享有體薦宣疏十六年傳文也設几而不倚爵盈而不

飲昭五年傳文也禮聘義記曰聘之禮至大禮也酒清人渴

而不敢飲也肉乾人飢而不敢食也彼言聘禮即是享聘賓

之禮此事皆所以教訓恭儉也宴以示慈惠宴則折俎相與共疏注

則至共食○正義曰宣十六年傳云宴有折俎宴則節折其肉升之於俎相與共啗食之所以表示慈惠也○其

儉以行禮而茲憲以布政政以禮成民是以

息百官承事朝而不夕不夕言無事○朝直遙反疏朝日朝徐音朝且之朝

朝而不夕○正義曰且見君謂之朝莫見君謂之夕哀十四年傳稱子我夕晉語稱叔向夕皆謂夕見君也人息事少故百官承奉職事皆朝朝而莫不夕不言無事也此公侯之所以扞城其民也扞蔽也言享宴結好鄰國所疏注扞蔽至其民○正

也以蔽扞其民○扞戶且反○疏義曰扞者扞禦寇難



故為蔽也言燕享結好與鄰國通和甲兵不與人得也故

安息所以蔽扞其民若如城然故云所以扞城其民也

詩曰趙趙武夫公侯干城詩周南之風趙趙武貌

夫止于扞難而已○趙居黜反一音居醜反注詩周至

難乃旦反于戶旦反本亦作扞又如字下同疏而巳○正

義曰詩周南兔置之篇言兔置之人亦是賢者其人乃是趙

趙然雄武之夫與公侯共扞城其民也引詩之意言世治無

扞難而已不侵伐他國也干扞釋言文○及其亂也諸

侯貪冒侵欲不忌爭尋常以盡其民入尺曰尋

言爭尺丈之地以相攻伐疏注入尺至攻伐○正義曰周

尋有四尺崇於人四尺車戰常崇於受四尺是八尺曰尋倍

尋曰常喻其少故言爭尺丈之地以相攻伐盡殺其民孟子

曰爭城以戰殺人盈城爭地以略其武夫以為己腹

戰殺人盈野是謂盡殺其民也

心股肱爪牙略取也言世亂則公侯制禦武夫以從己

博陸市疏注略取至無已○正義曰武夫有武能為人之

制反疏扞蔽世治則公侯同於武夫同其腹心相與扞

己民而已不侵犯他人也世亂則使武夫同於公侯其公侯

欲得拓竟寬土則制禦武夫以從己志使武夫為己腹心股

肱爪牙令之侵害鄰國搏擊也噬齧也故詩曰趙趙

能搏噬譬之於犬為搏噬之用無已時也

武夫公侯腹心舉詩之正以駮亂義詩言治世則武夫

駮邦疏注舉詩至腹心○正義曰此亦兔置之篇美賢人

角反疏之事而引之以證世亂故解之此舉詩之正以駮

世亂之義詩言治世則武夫能合德公侯外則扞城其民內

則制其腹心也以其人心則本貪縱之則害物矣美公侯能

以武夫制己腹心自守天下有道則公侯能為民

扞難而已不害人也

干城而制其腹心亂則反之略其武夫以為己腹

反又疏天下至反之○正義曰天下有道之時則公侯能

如字疏為扞城禦難而使武夫制其己之腹心不侵犯他

國也亂則反之不復扞蔽已民乃以武夫從己腹心將武夫

為股肱爪牙以侵害他國是反治世也晉楚世為仇敵常有



相害之心子反言一矢相加仍懷戰鬪之意故卻至言世治則自守世亂則相侵害答上一矢之言冀得久為和好故說也今吾子之言亂之道也不可以為法然吾

子主也至敢不從遂入卒事歸以語范文子

文子曰無禮必食言吾死無日矣夫言晉楚不能久和必

復相伐為十六年鄢陵戰張本○語魚據反夫音扶疏無禮

本亦無此字復扶又反鄢譎晚反漢書音義一建反至矣夫○正義曰以一矢為辭是無禮也食言禮

是其將背盟也背盟必相伐故為死亡無日矣冬楚公

子罷如晉聘且泄盟報郤十一月晉侯及楚

公子罷盟于赤棘晉地

經十有三年春晉侯使卻錡來乞師將伐秦也

兵而乞師謙辭疏注將伐至謙辭○正義曰晉雖是侯伯

○錡魚綺反恐魯不與若言召兵或容辭說言乞則

不得不與釋例曰乞師者深求過理之○三月公如京

師伐秦道過京師因朝王疏注伐秦至朝王○正義曰

往朝王不稱朝而言公如京師者以明公朝于王所王不在

京師故指言王所據王言之不得不得不稱朝此則王在京師京

師是國之撥號不斥王身不可稱朝故依尋常朝聘鄰國之

文稱如而已劉炫云魯朝聘皆言如不果彼國必成其禮或

在道而還如者書其始發言往而已言公朝王所者發國不

為朝王至彼遇王朝之朝訖乃書故稱朝也此過京師亦宜

稱朝言如者發雖主為伐秦即有○夏五月公自京師

遂會晉侯齊侯宋公衛侯鄭伯曹伯邾人滕

人伐秦○曹伯盧卒于師五同盟○盧本疏注

同盟○正義曰盧以宣十五年即位十七年盟于斷道成二

年于袁婁又于蜀五年于蟲牢七年于馬陵九年于蒲凡六

同盟不數宣○秋七月公至自伐秦無○冬葬曹

公斷道為五

春秋左傳卷二十七

九



宣公

傳十三年春晉侯使郤錡來乞師將事不敬

將事致君命君命孟獻子曰郤氏其亡乎禮身之幹也敬

身之基也郤子無基疏禮身至無基。正義曰幹

喻樹木以本根為幹有幹故枝葉茂焉牆屋以下土為基有

基乃牆屋成焉人身以禮敬為本必有禮敬身乃得存郤子

無基則亦無幹但言有且先君之嗣卿也受命以求

師將社稷是衛而惰弃君命也不亡何為郤錡

郤克子故曰嗣卿為十七年。三月公如京師宣伯

欲賜欲王請先使王以行人之禮禮焉不加厚

吏孟獻子從王以為介而重賄之介輔相威儀者

故王重賄之。從才用反。疏宣伯至賄之。正義曰周語

介音界相息亮反下同。叔孫僑如先聘且告見王孫說與之語說言於王曰魯叔孫

之來有異焉其幣薄而言諂殆請之也若請之必欲賜也且

其狀方上而銳下宜觸冒人王其勿賜若貪陵之人來而盈

願是不賞善也且財不給王使私問諸魯魯人云請之也王

遂不賜禮如行人孔晁云行人使人也以使人之禮禮之不

從聘者之賜禮也又曰魯侯至仲孫蔑為介王孫說與之語

說讓說以語王王厚賄之。公及諸侯朝王遂從劉康公成肅公

會晉侯伐秦劉康公王季子劉成成子受賑于社

不敬賑宜社之肉也盛以賑器故曰賑宜疏注賑宜至

義曰宜者祭社之名。賑市軫反盛音成。祭社之肸

肉也周禮掌蜃祭祀共蜃器之蜃鄭立云飾祭器之屬也春

秋定十四年秋天王使石尚來歸蜃蜃之器以蜃飾因名焉

鄭衆云蜃可以白器令色白是盛以賑器故曰賑也既言宜

社又自解宜名釋天云起大事動大眾必先有事乎社而後

出謂之宜孫炎曰有事祭也宜求見祐也是宜者出兵祭社

春秋左傳卷三十七



劉子曰吾聞之民受天地之中以生所謂

命也是以有動作禮義威儀之則以定命也

能者養之以福養威儀以致福不能者敗以取禍是

故君子勤禮小人盡力勤禮莫如致敬盡力

莫如敦篤敬在養神篤在守業國之大事在

祀與戎祀有執燔燔祭肉。盡津忍。下同燔音煩。疏注燔祭肉

詩詠祭祀之禮云為俎孔碩或燔或炙又曰旨酒欣欣燔炙芬芬毛傳云傳火曰燔祭肉有燔而薦者因謂祭肉為燔也

戎有受賑神之大節也交神之今成子惰弃其

命矣情則失中和之氣其不反乎為成肅公卒于瑕張木疏民受至反

曰天地之中謂中和之氣也民者人也言人受此天地中和之氣以得生育所謂命也命者教命之意若有所稟受之辭

故孝經說云命者人之所稟受度是也命維受之天地短長

有本順理則壽考逆理則夭折是以有動作禮義威儀之法

則以定此命言有法則命之長短得定無法則夭折無恒也

故人有能者養其威儀禮法以往適於福或本分之外更得

延長也不能者敗其威儀禮法而身自取禍或本分之內仍

有減割也為其求福畏禍之故君子勤禮以臨下小人盡力

以事上勤禮莫如臨事致敬盡力莫如用心敦篤敬之所施

在於養神朝廷百官事神必敬篤在守業草野四民勿使失

業也國之大事在祀與戎宗廟之祀則有執燔兵戎之祭則

有受賑此是交神之大節也今成子受賑而惰是自棄其命

矣死必在近此行其不得反乎爾之往也養之以福謂將身

向福也敗以取禍謂禍及身也福則人之所欲作往就之辭

也禍則人之所惡作自來之語也敬則所施有處故言致敬

也厚則唯在己身無所可致故重言敦篤也執燔受賑俱是

於祭末受而執之互相見也劉炫云命者稟也言其生育之性得之於冥兆也

夏四月戊午

晉侯使呂相絕秦呂相魏錡子蓋曰宣巳曰昔逮

我獻公及穆公音代一音大討反相好戮力



同心申之以盟誓量之以昏姻

穆公夫人獻公之女。好呼報反。六

同戮力相承音六。嵇康力幽反。呂靜字韻與颺同。字林音遼。

**疏**

戮力同心。正義曰。孔安國以戮力為陳力以

戮力猶言勉力努力耳。

天禍晉國文公如齊惠公

如秦。辟驪姬也不言狄梁舉所持。無祿獻公即世。

**如秦**

辟驪姬也不言狄梁舉所持。

無祿獻公即世。

穆公不忘舊德俾我惠公用能奉祀于晉

年秦納惠公。俾本或作卑。必爾反。下及注同。

又不能成大勳而為韓之

**師**

伐晉獲惠公。

**疏**

公又不至之師。正義曰。言秦既納惠公。又不至之師。而復伐晉為此。

韓之師也。下云亦悔于厥心。謂秦悔伐晉也。

亦悔于厥心用集我文公

也。集成

是穆之成也

於晉

文公躬擐甲胄跋履

**山川**

草行為跋。擐音患。胄直又反。跋蒲末反。

踰越險阻征東之諸

侯虞夏商周之胤而朝諸秦則亦既報舊德

矣鄭人怒君之疆場我文公帥諸侯及秦圍

**鄭**

晉自以鄭貳於楚故圍之。鄭非侵秦也。晉以秦大夫。此証秦事在僖三十年。疆居良反。場音亦。

秦大夫

不詢于我寡君擅及鄭盟

詢謀也。盟者秦伯謙言大夫。詢思巡反。擅市。

戰反諸侯疾之將致命于秦

致致命而討秦時無諸侯。蓋諸侯遙致此意。

**疏**

注致死至此意。正義曰。劉炫以為証秦今知不然者。凡証秦者謂加之罪。傳辭少略者可得稱証。今傳云諸

侯疾之將致命于秦文公恐懼綏靜

西傳文既詳明諸侯實有此意。若無諸侯何得稱為大造。且秦師襲鄭亦疾秦此則諸侯之義也。劉以為實無諸侯而規杜過非也。

文公恐懼綏靜

諸侯秦師克還無害則是我有大造于西也

造成也。言晉有成功。於秦恐曲勇反。

無祿文公即世穆為不弔



弔傷疏注不見弔傷。正義曰：曲禮云：知生者弔，知死者傷。知生而不知死，弔而不傷；知死而不知生，傷而不弔。

鄭玄云：人恩各施於所知。弔，傷也。皆謂致命辭也。雜記：諸侯使人弔，辭曰：寡君聞君之喪，寡君使某如何，不淑。此施於生者，傷辭未聞也。說者有衍弔辭云：皇天降災，子遭罹之。如

何不淑，此施於死者。蓋傷辭畢退，皆哭。是弔傷之事。如

死我君寡我襄公或寡也。死我君本疏喪死至

正義曰：輕蔑文公以為死無知矣。謂襄公寡弱而陵忽之。

我保城殄滅我費滑今緱氏縣。迭直結反。徐音逸。

殺戶交反。奸音干。費扶味反。滑于八反。緱古侯反。保至氏縣。正義曰：伐我涑川，俘我王官，傳皆無文。獨謂此為誣者，於時輕行襲鄭，不得在道。用兵故知此伐保城是誣之也。春秋之時，更無費國。秦惟滅滑不滅費。知費即滑也。國都於費，國邑並舉以圓文耳。散離我兄弟，撓亂我同盟。滑晉同姓。撓乃傾覆我國家。

我襄公未忘君之舊勲納文公之勲。覆字服反。下同。而懼社

稷之隕，是以有殺之師。在僖三十三年。隕于敏反。下同。猶願赦

罪于穆公。晉欲求穆公弗聽，而即楚謀我天

誘其衷，成王隕命。秦使闕克歸楚求成事。見文十四年文元年。楚欲成王。見賢通反。

疏注秦使至成王。正義曰：文十四年傳云：初，闕克囚于秦。秦有殺之，敗使歸求成。僖三十三年，秦敗于殺文元年。楚弑成王。故謀不成也。穆公是以不克，逞志于我。逞快也。逞，勅景反。

穆襄即世，康靈即位。文六年，晉襄康公我之自

出。晉外又欲闕翦我公室，傾覆我社稷，帥我

蝥賊以來，蕩搖我邊疆。蝥，賊食禾稼蟲名。謂秦納公

賊莫侯反。爾雅：蝥，食苗為蝥。食節為賊。食根蝥，食節賊是食禾稼之蟲也。

疏注蝥賊至蟲名。正義曰：釋蟲云：食根蝥，食節賊是食禾稼之蟲也。



納雍害晉若蟲食禾然  
彼晉自召雍非秦罪也  
我是以有令狐之役在文康十年

猶不悛入我河曲悛改也。悛七全反。伐我涑川俘我

王官涑水出河東聞喜縣西南至蒲坂縣入河。反。翦我羈

馬我是以有河曲之戰在文十東道之不通則

是康公絕我好也言康公自絕故不復。及君之嗣

也君秦桓公我君景公引領西望曰庶撫我乎望秦撫恤

君亦不惠稱盟不肯稱晉望而共盟。利吾有狄

難謂晉滅潞氏時。難乃且反。入我河縣焚我箕郤芟夷我

農功夷傷也。箕音基。一音其。郤音古。報。反。芟所銜反。夷本亦作疲音夷。虔劉我邊陲

虔劉皆殺也。疏注虔劉皆殺也。正義曰劉殺釋詁文。方言云虔殺也。重言殺者亦闕文耳。我是

以有輔氏之聚聚衆也在宣十五年。疏注聚衆也。正義曰謂聚

衆以拒秦也。以上有殺之師令狐之役河曲之戰不用重文故變文言聚古人爲文亦有碎耳。君亦悔

禍之延延長也。而欲徼福于先君獻穆晉獻秦穆。微古堯反。

使伯車來命我景公伯車秦桓公子。曰吾與女同好弃

惡復脩舊德以追念前勳言誓未就景公即

世我寡君是以有令狐之會令狐會在十一年申厲公之命宜言寡人稱君

誤也。女音汝下文皆同好呼報反一音如。疏注令狐至字復音服又扶又反寡君讀者亦作寡人。君兼有己語稱寡君正是其理杜何知宜爲寡人稱君爲誤今刪定知劉說非者以呂相奉厲公之命而往絕秦則皆是厲公之言不得兼有己語案隱十一年鄭伯告許大夫云假手于我寡人今呂相稱厲公之命還與自稱無異亦當云假我寡人故知稱君爲誤劉以稱寡君爲是以規杜過非也君



又不祥

也 祥善

背弃盟誓白狄及君同州

也 及與

疏

白狄及君同州。正義曰：周禮職方氏：正西曰雍州，其川涇。其浸渭，洛皆秦地也。正北曰并州，其澤藪曰昭餘祁，其川序池。嘔夷皆晉地也。是秦屬雍而晉屬并，白狄蓋狄之西偏屬雍州也。君之仇讎而我之昏

姻也

季隗，齊女也。白狄伐而獲之。納諸文公。隗五罪，反齊在良，反魯音羔。至文公。正義曰：三年晉衛伐齊，魯如傳曰：討赤狄之餘焉。知魯如是，赤狄也。文公所奔之狄，不言赤白，以其伐赤不應赤自相伐，知白狄為昏姻也。其女雖是赤狄之種，而由白狄以納文公，得以白狄為昏姻也。且此辭多誣，欲親狄以曲秦，故引狄為昏姻耳。晉人自數伐狄，寧復顧昏姻也。杜以傳有君來季隗之事，引之以證昏姻未必晉於白狄處無昏姻。

君來

賜命曰：吾與女伐狄，寡君不敢顧昏姻，畏君之威而受命于吏君，有一心於狄。曰：晉將伐女狄，應且憎，是用告我。

言狄雖應答秦而心實憎秦，無信。○應應對之應注。

同 楚人惡君之二三其德也，亦來告我曰：秦

背令狐之盟而來求盟于我，昭告昊天上帝

秦三、公、楚三、王

三公：穆、康、共。三王：成、穆、莊。○惡疏。昭

昊天上帝。○正義曰：禮諸侯不得祭天，其盟不主天神，鄭立觀禮注云：巡守之盟，其神主曰諸侯之盟，其神主山川。襄十一年，亳城北之盟，其載書云：司慎、司盟、名山、名川。注云：二司天神，唯告天之別，神不告昊天上帝。此秦楚為盟，告天帝者，春秋之時不能如禮，且此辭多誣，未必是實。晉與諸國結盟，皆不告昊天上帝，何由秦楚獨敢告之？蓋欲示楚人恨秦之深，言其所告處重耳。曰：余雖與晉出入，猶余唯利是視。

不穀惡其無成德，是用宣之以懲不壹諸侯

備聞此言，斯是用痛心疾首，暱就寡人

疾亦痛也。暱，親也。

也。○懲，直升。疏。以懲不壹。○正義曰：楚道秦人，用心不壹，反暱女乙反。其盟不足與固，宣示諸侯，以懲剗不壹之



寡人帥以聽命唯好是求君若惠顧諸侯

矜哀寡人而賜之盟則寡人之願也其承寧

諸侯以退承君之意以寧靜諸侯豈敢微亂微要也。君要一逼反君

若不施大惠寡人不佞其不能諸侯退矣敢

盡布之執事俾執事實圖利之俾使也。寡人不也。疏。使。正。

義曰服虔云佞才也不才者自謙之辭也論語云焉用佞禦人以口給屢憎於人則佞非善事而以不佞為謙者佞是口才捷利之名本非善惡之稱但為佞有善有惡耳為善敏捷是善佞為惡敏捷是惡佞但君子欲誦於言而敏於行言之雖多情或不信故云焉用佞耳秦桓公既與晉厲公為令狐之

盟而又召狄與楚欲道以伐晉諸侯是以睦

於晉晉辭多詆秦故傳據此三事以正秦罪。道音導晉欒書將中軍荀

息孫將上軍荀息孫將下軍荀息孫將中軍荀

息孫將上軍荀息孫將下軍荀息孫將中軍荀

息孫將上軍荀息孫將下軍荀息孫將中軍荀

息孫將上軍荀息孫將下軍荀息孫將中軍荀

息孫將上軍荀息孫將下軍荀息孫將中軍荀

息孫將上軍荀息孫將下軍荀息孫將中軍荀

息孫將上軍荀息孫將下軍荀息孫將中軍荀

息孫將上軍荀息孫將下軍荀息孫將中軍荀

息孫將上軍荀息孫將下軍荀息孫將中軍荀

息孫將上軍荀息孫將下軍荀息孫將中軍荀

息孫將上軍荀息孫將下軍荀息孫將中軍荀

息孫將上軍荀息孫將下軍荀息孫將中軍荀

息孫將上軍荀息孫將下軍荀息孫將中軍荀

息孫將上軍荀息孫將下軍荀息孫將中軍荀

息孫將上軍荀息孫將下軍荀息孫將中軍荀

息孫將上軍荀息孫將下軍荀息孫將中軍荀

息孫將上軍荀息孫將下軍荀息孫將中軍荀

息孫將上軍荀息孫將下軍荀息孫將中軍荀

庚佐之庚代荀首。將某軍者放此以意求之。士燮將上軍代荀

卻錡佐之代士燮韓厥將下軍代卻錡荀瑩佐之

趙旃將新軍代韓厥卻至佐之代趙旃卻

毅御戎欒鍼為右卻毅卻至弟欒鍼鍼孟獻子

曰晉帥乘和師必有大功帥軍帥乘車士。帥所類反乘繩證反注同五

月丁亥晉師以諸侯之師及秦師戰于麻隧

秦師敗績獲秦成差及不更女父不更秦爵戰敗績不書以為晉

直秦曲則韓役書戰時公在師復不須告克獲有功亦無所諱蓋經文闕漏傳文獨存。隧音遂差初佳反徐初宜反更音庚女音汝疏注不更至獨存。正義曰秦之官爵有此復扶又反不更之名知女父是人之名字不更是官

爵之號漢書稱商君為法於秦戰斬一首者賜爵一級其爵

名一為公士二上造三簪裏四不更五大夫六公大夫七官

名一為公士二上造三簪裏四不更五大夫六公大夫七官

名一為公士二上造三簪裏四不更五大夫六公大夫七官

名一為公士二上造三簪裏四不更五大夫六公大夫七官

名一為公士二上造三簪裏四不更五大夫六公大夫七官

名一為公士二上造三簪裏四不更五大夫六公大夫七官

名一為公士二上造三簪裏四不更五大夫六公大夫七官



大夫八公乘九五大夫十左庶長十一右庶長十二左更十  
三中更十四右更十五少上造十六大上造十七駟車庶長  
十八大車庶長十九關內侯二十徹侯商君者商鞅也秦孝  
公之相封於商號為商君案傳此有不更女父襄十一年有  
庶長鮑庶長武春秋之世已有此名蓋後世以漸增之商君  
定為二十非是商君盡新作也其名之義難得而知耳傳言  
戰敗而經不書杜以意測之不知其故欲以為秦曲晉直不  
以曲者敵直故不書戰則僖十五年韓之戰秦直晉曲書戰  
于韓也欲以為不告故不書當時公親在師復不須告也欲  
以為無功諱負則克獲有功亦無所諱也再三揆度不識所  
以故云蓋經文闕漏傳文獨存也經文依史官策書策書所  
無故經文遂闕也傳文采於簡牘簡牘先有故傳文獨存也

曹宣公卒于師師遂濟涇及侯麗而還

南徑扶風京兆高陸縣入渭也。徑音經麗力馳反。注涇水至渭也。正義曰釋

渭也。徑音經麗力馳反。注涇水至渭也。正義曰釋

東南經新平扶風至。迂晉侯于新楚。注迂迎至秦地。正義曰經

地。迂本又作訝五嫁反。疏注迂迎至秦地。正義曰經

迎之麻隧侯麗新楚皆秦。迂晉侯于新楚。注迂迎至秦地。正義曰經

地。迂本又作訝五嫁反。疏注迂迎至秦地。正義曰經

迎之麻隧侯麗新楚皆秦。迂晉侯于新楚。注迂迎至秦地。正義曰經

地。迂本又作訝五嫁反。疏注迂迎至秦地。正義曰經

迎之麻隧侯麗新楚皆秦。迂晉侯于新楚。注迂迎至秦地。正義曰經

地。迂本又作訝五嫁反。疏注迂迎至秦地。正義曰經

迎之麻隧侯麗新楚皆秦。迂晉侯于新楚。注迂迎至秦地。正義曰經

地。迂本又作訝五嫁反。疏注迂迎至秦地。正義曰經

瑕言瑕晉地。六月丁卯夜鄭公子班自訾求

入于大宮不能殺子印子羽

還為亂子印子羽皆穆公子。班本亦作。反軍于市已

般同訾子斯反大音泰下同印一刃反。反軍于市已

還為亂子印子羽皆穆公子。班本亦作。反軍于市已

般同訾子斯反大音泰下同印一刃反。反軍于市已

還為亂子印子羽皆穆公子。班本亦作。反軍于市已

般同訾子斯反大音泰下同印一刃反。反軍于市已

還為亂子印子羽皆穆公子。班本亦作。反軍于市已

般同訾子斯反大音泰下同印一刃反。反軍于市已

還為亂子印子羽皆穆公子。班本亦作。反軍于市已

已子駟帥國人盟于大宮

焚之殺子如子驪孫叔孫知

叔子如子孫知子驪孫叔孫知子如公子班

駟子。駟武邦反。疏注子班據傳可知以外無文見其同時

被殺必是近親。曹人使公子負芻守使公子欣

相傳為此說耳。曹人使公子負芻守使公子欣

時逆曹伯之喪。二子皆曹宣公庶子。芻初俱反守手

又反欣時如字徐云或作款亦音欣案

時逆曹伯之喪。二子皆曹宣公庶子。芻初俱反守手

又反欣時如字徐云或作款亦音欣案



公羊傳作喜時宜音斬秋負芻殺其大子而自立也宣公諸大子

侯乃請討之晉人以其役之勞請侯他年冬

葬曹宣公既葬子臧將亡子臧公子欣時國人皆將

從之不義負芻故成公乃懼成公負芻告罪且請焉請留子臧

乃反而致廿邑遷邑於成公為十年執曹伯傳

經十有四年春王正月莒子朱卒無傳九年盟于蒲

夏衛孫林公自晉歸于衛晉納之故曰歸秋叔孫僑

如如齊逆女成公逆夫人最為得禮而經無納幣者文闕絕也疏注成公至絕也。正義曰釋例曰成公逆女及夫人至最為得禮故詳其文丘明謂之微而顯婉而成章也然則杜以傳文詳知其最得禮也釋例又云成公娶夫人而不納幣此經文闕也貴聘而賤逆失禮之微者傳猶詳之言其不終若實不納幣非所略也是

言闕之意也闕絕者闕而文斷絕蓋疑仲尼脩定後其文始闕若脩時已闕傳應言其故也。鄭公子喜帥師伐許。九月僑如以夫人婦姜氏至

自齊。冬十月庚寅衛侯臧卒五同盟疏注五同盟。正義曰臧父速以二年八月卒而臧代立其年十一月衛大夫與公盟于蜀三年孫良夫來盟五年于蟲牢七年于馬陵九年于蒲皆魯衛俱在是五同盟也。秦伯卒无傳二年大夫盟於蜀而

傳十四年春衛侯如晉晉侯強見孫林父焉林父以七年奔晉強見欲歸之。強其丈反注同見賢通反注強見下而見之同。定公不可夏

衛侯既歸晉侯使卻鞮送孫林父而見之衛

侯欲辭定姜曰不可定姜定公夫人是先君宗卿之

嗣也同姓之卿歸注同之卿。正義曰世本孫氏出於衛武公至林父八世是同姓也。大國



又以為請不許將亡雖惡之不猶愈於亡乎

君其忍之違大國必見伐故亡。為如字或于偽反惡烏路反。安民而宥宗

卿不亦可乎衛侯見而復之復林父位。有音又。衛侯饗

苦成叔成叔。相佐禮惠子甯殖。相息亮反注同。苦成叔

傲甯子曰苦成家其亡乎古之為享食也以

觀威儀省禍福也故詩曰兕觥其觶旨酒思

柔詩小雅言君子好禮飲酒皆思柔德雖設兕觥然不用以兕觥為觶所以罰不敬觶陳設之貌。傲五報反。本又作敖音同。下同。食音嗣。兕徐辭姊反。觶古橫反。觶徐音蚪。又巨處反。一音巨秋反。好呼報反。疏注詩

之貌。正義曰詩小雅柔扈之章言設爵不用之意君子好禮與於燕者皆思柔順之德无過可罰故觶設觶不用之也兕是獸名觶是爵稱知兕觥以兕角為觶也周禮小胥職云觶其不敬者是所以罰不敬也異義韓詩說觶五升所以

罰不敬也觶廓也著明之貌君子有過廓然明著詩毛傳說觶大七升許慎云觶罰有過一飲七升為過多當謂五升是也詩良邾云有觶其角則觶是角貌此詩之意指其角貌言陳設不用故云陳設之貌

彼交匪傲詩曰至來求。正義曰兕觥罰酒之

萬福來求彼之交於事而不情。疏。詩曰至來求。正義曰兕觥罰酒之

爵言古之王者與羣臣燕飲無失禮者用兕觥之爵其觶然空陳設之無所可罰在席飲美酒者皆能思柔順中和故不用也彼飲燕君子與人交接非有

傲慢之心故萬種福祿求來歸之今夫子傲取禍之道也為十七年。邵氏亡。秋宣伯如齊逆女稱族尊君

命也疏。稱族尊君命。正義曰宣元年已發尊君命尊

子非族故重明之何休膏肓難左氏叔孫僑如舍族為尊夫人案襄二十七年豹及諸侯之大夫盟復何所尊而亦舍族

春秋之例一事再見者亦以省文耳左氏為短鄭箴云左氏以豹違命故貶之而去族今僑如無罪而亦去族故以為尊

夫人也春秋有事。八月鄭子罕伐許敗焉為許所敗。敗。敗。

異文同則此類也。

春秋左傳卷三十七



必遭反 戊戌鄭伯復伐許庚子八其郛復扶又反

許人平以叔申之封四年鄭公孫申疆許田許人敗

自齊舍族尊夫人也舍族謂不稱叔孫故君子曰

春秋之稱微而顯辭微而義顯志而晦志記也晦

約言以記事敘而稱尺證反婉而成章婉曲也謂屈曲其辭有

怨晚反 盡而不汙謂直言其事盡其實無非聖人誰能脩之

而勸善善名必書惡名不滅所非聖人誰能脩之

似之子術以為大子成子孔達之孫敬妣定公冬

十月衛定公卒夫人姜氏既哭而息見大子

之不哀也不內酌飲歎曰是夫也將不唯衛

國之敗其必始於未亡人定姜言獻公行無禮必從

烏呼天譴衛國也夫吾不獲

無不聳懼孫文子自是不敢舍其重器於衛

晉大夫備亂起欲以為援為襄盡寘諸戚寘置也戚孫氏而甚善

經十有五年春王二月葬衛定公無三月

乙巳仲嬰齊卒無傳襄仲子公孫歸父弟宣十八年

逐東門氏既而又使嬰齊紹其後日

春秋左傳卷之三

春秋左傳卷之三



仲氏注襄仲至仲氏。正義曰公羊穀梁皆以嬰齊為仲氏。遂之子歸父之弟也。以為歸父之弟則同其言稱仲之意則異。公羊以為弟無後兄之義使嬰齊為歸父之子則為仲遂之孫故以王父字為氏。穀梁以為宣八年仲遂卒者為殺子赤疎之不得稱公孫故別言仲氏。杜不得稱公孫者由父亦疎之不得稱公孫故別言仲氏。杜之此注其言不明當以為襄仲歸父本以東門為氏及命嬰齊紹歸父之後改之曰仲氏也。劉炫云仲遂受賜為仲氏故其子孫稱仲氏耳。

○癸丑公會晉侯衛侯鄭伯曹伯宋世子成

齊國佐邾人同盟于戚音戚。成晉侯執曹伯歸于

京師不稱人以執者曹伯罪不及民歸之京師禮也。凡例者杜皆於經之下引傳而言傳例曰今傳因曹伯發凡杜不引傳例者據稱人以執為例却云不然則否曹伯稱侯以執從不然之例故杜不得引之也不稱人以執者曹伯罪不及民其稱人之例於義為然也。諸侯不得相治故歸之京師使天子治之是禮也。釋例曰執諸侯當歸于京師而或以歸或歸于諸侯皆失其所從實而顯之義可知也。公

至自會無夏六月宋公固卒四同疏注四同

義曰固父鮑以二年八月卒而固代立其年十一月宋大夫與公盟于蜀五年于蟲牢七年于馬陵九年于蒲皆魯宋俱在是四

○楚子伐鄭○秋八月庚辰葬宋共公

同盟三月而葬速○宋華元出奔晉宋華元自晉歸共音恭

于宋華元欲挾晉以自重故疏注華元至納告。正義曰案傳華元奔晉魚石即議止之魚石自止華元于河上元始至河本未至晉既書奔晉又書自晉歸者華元既出宋即來告華元既歸宋復來告十八年傳例曰凡去其國國逆而立之曰入復其位曰復歸諸侯納之曰歸此是魚石止之宜從國逆之例而為諸侯納之文書曰自晉歸者華元與樂書相善布懼桓族欲挾晉以自重以晉納告于諸侯春秋從而書之以示元之本情故也

宋殺其大夫山不書氏明宋魚石出奔楚公

目夷之曾孫○冬十有一月叔孫僑如會晉士燮齊



高無咎宋華元衛孫林父鄭公子鱣邾人會

吳于鍾離吳夷未嘗與中國會今始來通晉帥諸侯大南縣。變息協反咎其南。九反鱣音秋好呼報反。許遷于葉許畏鄭南依楚故南陽葉縣也。葉舒涉反。

傳十五年春會于戚討曹成公也討其殺天子而自立事在

年十三執而歸諸京師書曰晉侯伐執曹伯不及

其民也惡不及民凡君不道於其民諸侯討而執之

則曰某人執某侯稱人示衆不然則否謂身犯

疏凡君至則否。正義曰春秋執諸侯多矣或名或否此例不言之者釋例曰諸侯見執者已在罪賤之地名與否非例所加故但書執某侯也天生民而樹之君使司牧之勿使失性若乃肆於民上人懷怨讎諸侯致討則稱某人執

某侯衆討之文也諸侯雖身犯不義而惡不及民則不稱人以執之晉人執曹伯是也諸無加民之惡而稱人以執皆時之赴告欲重其罪以加民為辭國史承以書策而簡牘之記具存夫子因示虛實傳隨而著其本狀以明得失也諸

侯將見子臧於王而立之子臧辭曰前志有

之曰聖達節聖人應天命不拘常。九于反。見賢次守節

者謂賢下失節愚者妄動為君非吾節也雖不能聖敢

失守乎遂逃奔宋聖達至守乎。正義曰節猶分也人生天地之間性命各有其分聖人達於天命識已知分若以麻數在已則當奉承靈命不復拘君臣之交上下之禮舜禹受終湯武革命是言達節者也若自知已分不合高位得而不取與而不受子臧季札衛公子郢楚公子問如此之類皆守節者也下愚之人不識已分得張妄作取非其理干紀亂常如此之輩古今多矣州吁無知之等皆失節者也子臧自以身是庶子不合有國故言為君非吾節也雖不能為聖敢失其守節者乎

夏六月宋共公卒為

春秋左傳卷二十七

卷二十七

卷二十七

卷二十七

卷二十七

卷二十七

卷二十七



宋亂起 ○楚將北師侵鄭子囊曰新與晉盟而背

之無乃不可乎子反曰敵利則進何盟之有

晉楚盟在十二年子囊莊王子公子貞。囊乃郎反申叔時老矣在申老歸本邑聞

之日子反必不免信以守禮禮以庇身信禮

之亡欲免得乎言不得免。庇必利反又音秘楚子侵鄭及暴

隧遂侵衛及首止鄭子罕侵楚取新石新石楚邑。隧

音遂欒武子欲報楚韓獻子曰無庸庸用使重其

罪民將叛之昔盟數戰罪也。數所角反無日以執戰為明年晉

陵 ○秋八月葬宋共公於是華元為右師魚

石為左師蕩澤為司馬蕩澤公孫壽之孫疏注蕩澤公

正義曰世本云公孫壽生大司馬虺虺生司馬澤也華喜督之立孫者又云督生世子冢家生季老老生司徒鄭鄭生司徒喜也公孫師莊公之孫者又云莊公生右師戊戌生司城師也麟朱麟矐孫者又云桓公生公子麟麟生東鄉矐矐生司徒文文生大司寇子奏奏生小司寇朱也向戌桓公會孫者又云桓公生向父盼盼生司城警守守生小司寇鯨及合左師左師華喜為司寇華父督公孫師為司城莊公即向戌也孫向為人為大司寇麟朱為少司寇麟矐孫。少詩照反

下同矐向帶為大宰古亂反庶府為少宰蕩澤弱公室

殺公子肥輕公室以為弱故殺其枝黨肥文公子。帶音帶本又作帶大音泰華元曰

我為右師君臣之訓師所司也今公室卑而

不能正不能討蕩澤吾罪大矣不能治官敢賴寵乎

乃出奔晉二華戴戾也華元華喜司城莊族也六官



者皆桓族也

魚石蕩澤向為人鱗朱向帶魚府皆出桓公

魚石將止華

元魚府曰右師反必討是無桓氏也

恐華元還討蕩澤并

及六魚石曰右師苟獲反雖許之討必不敢

強且多大功國人與之不反懼桓氏之無祀於

宋也

華元大功克合晉楚之成劫子反以免宋圍

右師討猶有戍在

向

元必不討。戌音恤桓氏雖亡必偏

華元于河上請討許之乃反使華喜公孫師

帥國人攻蕩氏殺子山

喜師非桓族故使攻之

書曰宋殺

大夫山言背其族也

蕩氏宋公族還害公室故去族以示其罪。去起呂反魚

石向為人鱗朱向帶魚府出舍於睢上

睢水名五大夫

畏同族罪及將出奔。睢音雖徐許惟反又音緩

華元使止之不可冬十

月華元自止之不可乃反

五子不止華元還

魚府曰今

不從不得入矣

不得復入宋復扶又反

右師視速而言疾

有異志焉若不我納今將馳矣登丘而望之

則馳騁而從之

五子亦馳逐之。登丘而望之則馳絕句騁勑景反

則決睢澨

澨水涯決壞也。澨市利反澨本又作崖魚佳反一音宜壞音怪

閉門登陴矣左師

二司寇二宰遂出奔楚

四大夫不書獨魚石告。睢毗支反

疏

石告。正義曰襄元年傳謂此五人為五大夫故除去魚石謂之四大夫也彼四大夫所以不書者宋人獨以魚石告不以為四人告也服虔云魚石不然而案文七年傳云宋成公卒於是公子成為右師公孫友為左師樂豫為司馬鱗矐為司徒公子蕩為司城華御事為司寇六卿和公室哀二十六年傳宋景公無子於是皇緩



為右師皇非我為大司馬皇懷為司徒靈不緩為左師樂茂  
為司城樂朱鉏為大司寇六卿三族降聽政據彼二文則向  
為人為大司寇亦是卿也若五人皆告為卿則書向為人亦  
當書之何以獨書魚石杜言獨以魚石告正為向為人亦  
故也或少司寇二宰等六卿之外亦是卿官合書名氏猶如  
魯之三卿外別有公孫嬰齊臧孫許但非如六卿等世掌國  
也  
政  
也  
華元使向戌為左師老佐為司馬樂裔為  
司寇以靖國人老佐戴公五世孫裔以制反○晉三卻害伯宗  
譖而殺之及欒弗忌欒弗忌晉賢大夫伯州犂奔楚伯宗  
子○犂力兮反韓獻子曰卻氏其不免乎善人天地之  
紀也而驟絕之不亡何待既殺伯宗又及弗忌故曰驟也為十七年晉殺  
三卻傳驟仕救反初伯宗每朝其妻必戒之曰盜憎主  
人民惡其上子好女且言必及於難傳見雖婦人之言不可廢惡

烏路反好呼報反難乃且反見賢通反○十一月會吳于鍾離始通

吳也始與中國接○許靈公畏偪于鄭請遷于楚辛

丑楚公子申遷許于葉

附釋音春秋左傳注疏卷第二十七

卷二十七



宋南昌府學棊

江西南昌府學棊

春秋左傳注疏卷二十七按勘記 阮元撰盧宣旬摘錄

附釋音春秋左傳注疏卷第二十七 成十一年盡十五年宋本春秋正義卷第十九

石經春秋經傳集解成下第十三岳本成字下增公字並盡十八年

**經十一年**

公至自晉 監本毛本晉作會與宣八年經合

晉侯使卻爨來聘 監本卻誤卻下同

己丑及卻爨盟 闕本監本毛本已誤巳

卻爨卻克從父兄弟 案正義引注兄作昆又云服虔以為從祖昆弟或父當為祖字誤耳非也

此條注文當正為從祖昆弟以儀禮稱為昆弟兄弟畫然不同言之則定當作昆也

或父當是祖字誤耳 宋本是作為



**傳**

聲伯之母不聘

合

釋文作不娉云本亦作聘字按作娉與說文

長婦謂稚婦為娉婦

宋本毛本下重娉婦二字是也

儷耦也

李善鸚鵡賦注引作偶也

今河內懷縣西南有鄩人亭

釋文鄩作候云本又鄩字按說文邑部引傳爭鄩田

其劉子單子之言

閩本監本其作則

**傳**

**傳**

晉士燮會楚公子罷許偃

閩本監本燮作燮

二子楚大夫

纂圖本子楚作公之非也

交贊往來道路無壅

釋文贊本又作摯石經宋本足利本壅作雍案周禮秋官有雍氏惠棟云古壅

字皆作雍無從土者說文作雍

俾隊其師

釋文俾作卑云本亦作俾諸本作俾石經左邊缺

縣鍾鼓也

宋本岳本纂圖本閩本監本毛本鍾作鐘疏內並同

享以訓共儉

賈公彥儀禮燕禮疏引享作饗共作恭詩卷耳

饗二禮疏引傳宜作享而申明之曰享與饗同如李善之注文選則善矣輒改左傳文為饗未合也

肉乾人飢而不敢食也

監本毛本飢誤饑

皆所以教訓恭儉也

宋本恭作共

共儉以行禮而慈惠以布政政以禮成

石經行字起禮字止計十一字蓋書丹時

失去而字後復增入也



人得○安息

宋本閩本監本毛本作人得安息此本○誤增也

止于扞難而已

毛本于誤干

言爭尺丈之地

岳本文作寸非也

則公侯能為扞城禦難

宋本為下有民字是也

世亂則相侵害

閩本監本毛本脫害字

**經十二年**

若言召兵

監本言作能非

以明公朝于王所

閩本于誤子

公自京師

石經公下言至字衍文也

**傳十三年**

禮身至無基

宋本此節正義在不亡何為注下

但言有所局

監本局作拘

故王重賄之

宋本淳熙本岳本纂圖本足利本賄作賜

宜觸冒人王

閩本監本王作主按國語周禮作王

是不賞善也

閩本監本毛本不賞誤倒

成子受賑于社

詩絲正義引傳作受蜃

盛以賑器故曰賑

段玉裁按本以賑作以蜃按說文云盛以蜃故謂之賑

天王使石尚來歸蜃

按作蜃與周禮掌蜃注合今春秋定十四年經作賑

賑可以白器

宋本監本毛本賑作賑按鄭司農注周禮作蜃是也又按正義大致蜃賑同字而轉

寫又不無訛誤



是以有動作禮義威儀之則案漢書律麻志五行志引傳禮義在動作二字上律麻志以作故義作誼是所據本不同也

能者養之以福各本並作之以惟漢書五行志律麻志漢酸以致福則當如漢書所引作養以之福與下敗以取禍文正相對案顏氏注漢志云之往也往就福也段玉裁云作養以之福謂將身向福也亦與漢志合

盡力莫如敦篤漢書五行志引作惇篤案惇通作敦

注膳祭肉此節正義宋本在民受至反乎之後摠入其不反乎注下

燔炙芬芬宋本闕本監本毛本燔作膳案詩作燔

其不反乎漢書五行志引乎作虐案虐古乎字

養之以福段玉裁按改作以之

戮力同心石經宋本戮作勦釋文亦作勦案說文勦并力也从力麥聲惠棟說詳補注○疏內並同

辟驪姬也釋文驪作麗同

俾我惠公釋文俾作卑云本亦作俾石經此處缺

晉自以鄭貳於楚闕本監本毛本改作二於非

則是我有大造于西也李善注陸機弔魏武帝文引傳于作乎石經此處缺

蔑死我君石經初刊作蔑我先君後于我字之上改死字先字改我字釋文云本或以我字在死字上非也

迭我殽地闕本作送我誤字也按迭者軼之假借凡浸突而過曰軼

奸絕我好石經好字上旁增同字非唐刻也

奸絕我好宋本此節正義在奸絕我好之下

疏注伐保至氏縣闕本監本毛本疏亦作○依宋本改此一節正義宋本在上注今緜氏縣



之下

銅謂此為誣者

闕本監本毛本銅作今亦誤宋本作獨是也。○今從宋本

撓亂我同盟

宋本撓作撓六經正誤云撓作撓誤建本從才非從木旁也按毛說是也說文撓擾也與木旁之撓義別且从手之字上聲从木之字去聲釋文云乃卯反即唐韻之奴巧切也

又欲闕剪我公室

纂圖本監本毛本剪作剪俗字

闕剪我公室

正義曰闕謂缺損翦謂滅削言欲損害

晉之公室

宋本以上二十四字在傾覆我社稷句下闕本監本毛本亦脫

俘我王官

葉抄釋文俘作俘

則是康公絕我好也

石經公字下後人旁增弃字我字下正增同字非唐刻也

謂晉滅潞氏時

宋本闕本監本毛本同淳熙本潞誤作儲

芟夷我農功

釋文夷作夷云本又作夷

虔劉我邊陲

石經宋本淳熙本岳本纂圖本足利本作我邊垂是也按說文坐遠邊也陲危也其義各別

而欲徼福於先君獻穆

釋文徼作徼是也

我寡君是以有令狐之會

釋文云讀者亦作寡人陸釵云杜注云宜言寡人稱君誤也今案上文我

是以有令狐之役我

是以有河曲之戰我

是以有輔氏之聚此準上例疑寡君當為衍字

今呂相雖奉君闕本監本毛本作今此本誤令今改正

而我之昏姻也

宋本淳熙本岳本無之字與石經合此本初刊亦無後擠增纂圖本闕本監本毛本作而

我之昏姻也皆仍此本之誤

巡守之盟

宋本巡上有王字與覲禮注合

暱就寡人

釋文暱作昵案昵為暱之或字



以懲不壹

宋本此節正義在以懲不壹句下

其不能諸侯退矣

宋本淳熙本岳本閩本監本毛本能下有以字與石經合

寡人不佞

宋本此節正義在其不能以諸侯退矣句下

帥軍帥乘車士

纂圖本毛本帥作師非

三簪裹

段玉裁按漢書百官公卿表七上裹作裏

六公大夫七官大夫

浦鏜云公官字互誤是也

襄十一年有庶長鮑

閩本監本毛本鮑誤飽

東南徑扶風京兆高陸縣入渭也

宋本岳本足利本徑作經


迓晉侯于新楚

釋文迓本又作訝石經及諸本皆作訝

使公丁欣時逆曹伯之喪

釋文云欣徐云或作款亦音欣公羊傳作喜時宜音忻案漢書古今

人表作曹制時顏師古注云即曹欣時也



衛侯既歸

淳熙本脫侯字

同之卿

宋本監本毛本同下有姓字

衛侯饗苦成叔

漢書五行志引饗作享字按左傳多作享此作饗為僅見

苦成叔傲

釋文云傲本又作敖音同下同漢書五行志引作敖師古曰敖讀曰傲則此字古本當作敖

苦成家其亡乎

石經家字上旁增叔字與初學記所引合然非唐刻未敢從也乎五行志引作虐

兕觥其觶

釋文亦作觥石經此處缺宋本淳熙本岳本纂圖本監本毛本作觶案說文觶字注云兕牛角可以

飲者也从角黃聲其狀觶觶故謂之觶觶字注云俗觶從光據此當以觶為正也說文引詩觶作斛



解陳設之貌

淳熙本貌誤象

注詩小至之貌

宋本此節正義在詩曰至來求之下

詩曰至來求

宋本此節正義在今夫子節注下

求來歸之

毛本求來誤倒

左氏以豹違命故貶之

閩本監本毛本違誤遺

謂屈曲其辭

淳熙本岳本纂圖本閩本監本毛本屈曲二字誤倒

**傳十五年**

據稱人以執為例

宋本據上有傳字

故歸之京師

閩本監本故作欲非也

公子目夷之會孫

淳熙本會作魯非也

吳夷未嘗與中國會

閩本監本未作昧非也

**傳十五年**

名與否

宋本名上有書字

愚者妄動

纂圖本愚誤作過

不復拘君臣之交

毛本交誤文

敢失其守節者乎

毛本守誤安

注蕩澤公孫壽之孫

宋本作注蕩澤云云此節正義在猶有戌在句注之下

家生季老

閩本監本毛本季作秀非此據宋本改

鱗宋鱗矐孫者

宋本監本毛本宋作朱是也。今訂正

鱗生東鄉矐

宋本鄉作卿非案文七年正義引卅本作鄉段玉裁云鄉即向也



守生小司寇鱣

毛本守誤安

向帶為大宰

宋本淳熙本岳本足利本帶作帶與石經合釋文云本又作帶案說文無帶字而經典帶字時有如此作者

今公室卑而不能正

毛本公誤宮

書曰宋殺大夫山

宋本淳熙本岳本足利本殺下有其字石經此處缺依字數而論亦當有其字也

左師二司寇二宰遂出奔楚

闕本二司作三司誤也

樂豫為司馬

闕本樂誤樂

向戌

石經宋本岳本闕本監本戌作戊是也

十一月會吳于鍾離

闕本監本毛本脫于字

春秋左傳注疏卷二十七按勘記



